




10331

國朝畿輔詩傳卷三

長洲陶 樑鼻薌輯

江都汪禧孫孟慈校

寶遴奇



遴奇字德邁號松濤大名順治三年進士歷

官安徽徽寧廣德道有倚雉堂集十二卷

四庫全書提要倚雉集十二卷寶遴奇撰是集為其友賀應旌所編凡文五卷詩六卷詞一卷倚雉者其所居堂名也

大名縣志遴奇明戶部主事如蘭曾孫知府星子順治二年舉人三年進士授戶部主事七年督餉上谷時設三省制府駐大名而餉司設於易水有欲以糧餉印本地交兌者遴奇力爭之以申職掌八年權蕪湖關清白自守嚴條約禁羸羨風駛難泊者宥之關南陸路負擔沿行有

國朝畿輔詩傳

卷三

一

司設欄巡察遴奇概除商民便之憂歸十四年補戶部山東司郎中奉命督漕知漕弊

由交兌後時盡革其弊漕政一新十五年出為江南穎壽道僉事時霍邱賊倚山為窟蔓延不

能制遴奇鼓舞鎮將協力征勦驅驍騎入深谷直搗其穴連戰斬其魁降者八百人海氛擾江

寧嚴為警備江北恃以無恐十八年缺裁改補徽寧廣德道徽有豪姓恣為不法廉得其狀立

置典刑風紀肅然以齋奏北上帝病移疾歸遴奇和易坦直與人洞傾底裏無妄言人服其

真誠宗族故人有來告者皆遇之厚歸數年卒年五十四子曰嚴敘州府知府

孫奇逢序松濤宦游不廢吟咏恬退田里益肆力風雅寄情託志往往在勲名富貴之外

劉體仁序公性正氣和經緯大政不露崖岸出其緒餘蹴踏文園於古詩得其樸雅於近體得

其簡遠其至處往往與元次山抗行

孫郁序先生本乎性情發於吟詠近體高偉雄渾與開元大歷諸君子分路揚鑣古風尤氣益



萬狀橫絕一代遠當嗣響漢魏  
近亦與陳拾遺李崧同相伯仲

雜興

幽谷出佳人肌骨若冰雪臉際有芙蓉眉端生新月東  
鄰宋玉窺三年未一瞥堅貞不嫁身豈容鑽隙穴十五  
充後庭六宮無與埒誰知寵生妬君恩中斷絕長門一  
步地有如河漢隔古風日以衰王化日以竭但貴桃李  
姿不貴松柏節

韉鷹具利爪攫物厲秋風使不逢狐兔亦與凡鳥同丈  
夫當無事何以異凡庸邊徼忽多故擐甲效從戎靈鵲  
化金印旗纛建交龍銘勳膺上賞晉爵列侯封平時論  
國朝畿輔詩傳

卷三

二

豪傑管樂亦無功

張子房

秦皇如虓虎士民遭毒螫力士一狙擊天下遂大索雖  
曰報韓仇無乃類劍客佐主平函夏帷帳常畫策奇謀  
蓋羣公英風挫項籍能忍成大謀終遂興漢業一時多  
奇人似爲子房設後有四老人前有一黃石

游白嶽

八月中秋豆花雨雲巖草木猶媚嫵青天萬仞插芙蓉  
瓣香叩齒禮真武石壁變幻若龍虬伊誰鑿闢曰神斧  
不信人間有帝闈星辰歷落手能數小輿直上日亭午

側身東望雲如縷，我生已徧燕吳山。茲山去天不尺五，  
逡巡石磴步天梯。當關虎豹狺狺怒，天生異物守門庭。  
駱駝獅象勢俱僕，蓮花聳秀衆峯出。巋然瓊宮與玉宇，  
背枕玉屏摩雲霄。紺殿金鼎篆煙吐，五老壁立不記年。  
三姑對峙自今古，龜蛇列宿左右纏。手汲飛泉飲石乳，  
傲吏逃名尋丹邱。何如此地修靈府，歛黥從來山最奇。  
不說峨眉與天姥。

題劉松年岳陽樓畫

丹崖蒼壁江南有，數年相對亦非偶。岷江浩浩萬里來，  
予昔泛舟在京口。一時謝政歸故鄉，惟見浮沓與濁漳。  
國朝畿輔詩傳

卷三

三

雖然素有向平志，但苦千里難裹糧。少文卧游亦可人，  
安見畫裏卽非真。家無米家書畫船，揀得舊本劉松年。  
岳陽樓比黃鶴樓，懸來滿室生雲煙。我聞樓在瀟湘之  
尾洞庭口，下有長江蛟龍吼。有時風靜水如練，君山一  
點在兩肘。湘女梳頭對明鏡，水光山色入戶牖。黃陵廟  
裏人烟集，西邊欲落扶桑日。萬艘千航泊江頭，洞窟飛  
過人不識。一一傳神阿堵中，惟有范老一記畫不出。

飲酒詞

天上月出東溟清，光乍圓還又缺。枝上花堆鬢，鴉容華  
轉眼委泥沙。朝天嫵夕老醜，綠髮朱顏豈能久。落日沉



良夜深沾酒莫惜囊中金終日醉貪卧黷安能束帶見  
小吏綠蟻香琥珀光一飲須盡三千觴陶淵明阮步兵  
呼之欲出爲我朋

貞婦篇

有姊有姊適楊氏年方二十夫君死哀哀寡婦多辛苦  
之死靡他恒自矢楊氏占籍舊元城舅氏成名曾出仕  
一朝罷官卽捐館室如懸磬何所恃夫君亦是青雲器  
不料一疾竟不起日夜顫天願身代孤兒呱呱泣不止  
誰知孤兒竟不育皇天降禍伊胡底因此家計愈艱難  
伯氏析箸不我以形孤影子再無人朝夕惟一赤脚婢

國朝畿輔詩傳

卷三

四

廿載因依在予家去年予亦歸鄉里相見感傷交淚流  
姊已垂白頰落齒代買薄田供餽粥憂及宗祧立猶子  
吁嗟乎古來節婦亦多矣或得舅姑憐或爲伯叔喜或  
際豐裕饒甘旨或者膺 褒封雲冠霞帔光柔梓數者  
皆非所以論吾姊寒衾孤幌數十年良人黃泉日待爾  
吁嗟乎丹崖之松高千尋歷盡冰霜常如此南山可移  
海可填節婦之節不可徙予恐後世久湮沒故敘生平  
備彤史

登敬亭山弔李太白

大塊下墜成敬亭宛溪終古常清冷近城綿亘幾十里

突兀屹立在郊坰一望層巒皆蒼翠方春草木自娉婷  
逐隊來游多麋麇鳧鷖淺水羣梳翎琴溪仙蹟在眼前  
麻姑鍊丹幾千年山川得人非偶然千秋幻出李青蓮  
錦袍色似翠雲鮮豪飲猶如瀑布川白也已騎長鯨去  
精靈常在敬亭巔山中芳杜年年長白也新詩字字傳  
潯陽雨夜郎霧采石捉月月不顧不能攜得敬亭去我  
來數百餘年後登山猶記題詩處

自來安到和州一路山巖蒼翠至溫泉寺少憩因  
賦

亂山岷嶺數十里羣峯如龍蠹雲起行行籃輿轉山腰  
國朝畿輔詩傳

卷三

五

有水潺湲流澗底長江鍾阜遠勢來龍眠巢湖近相倚  
青松無數如偃蓋白日雜遝走鹿麕腳踏曲盤石苔滑  
黃精芝草長不死中有高人事隱棲縛茅構屋山麓裏  
倦客登臨意興嬾遙望蘭若止數里法雨天花常自飛  
講習堂外石齒齒僧房寂靜白石鐺頭陀供茶兼萸紫  
寺傍有泉如鼎沸熱如探湯色甚美跬步有屋四圍遮  
招我沐浴水清泚傳有日光在下蒸不然疑是火龍髓  
因思塵世苦煩熱如何炎歊却在水安得乾坤放逸人  
探奇名山興未已



不安付驛使秋仲尙難回夏麥須常曬寒蔬及早栽雨  
多防屋漏窗閉懼書烹節費納官稅無勞里正催

### 九華山

九華登絕頂遙望近黃山巖草迎眸轉危橋引步艱烟  
消羣壑現風靜野雲閒峭壁夾幽澗潺湲水一灣  
躡履偶登眺雕劖屬化工水流千澗外峯入大江中蒼  
翠滴仙館丹霞鎖梵宮夙懷游五嶽此地得無同

### 江上泛舟

夜雨滴紅樹澄江似掌平草衰孤鶩宿水退遠沙明搖  
落真堪惜飄零不世情頻年常作客今又泊臺城

### 國朝畿輔詩傳

#### 卷三

六

### 春日懷劉覺岸

昔我同年友而今幾箇存如君復石隱夢不到青門把  
酒移山影垂竿繫月痕青青原上草何處覓王孫

### 夏日園居王襄璞方伯過訪

地僻人蹤少逢君懷抱開一時同解組三伏且銜杯野  
鳥將雛至乖龍送雨來狂歌興未已城角晚鐘催

### 夏日贈趙秋水

媿比揚雄宅何勞問草□山居才數月別客已經年雷  
走千巖雨風鳴百樹蟬披襟消永日舌底吐青蓮

趙子才名重江南昨日還談詩出沈宋作字法鍾顏聞

到鶴林寺今歸馬服山怱怱別我去良晤一何艱

三月晦日作

野水滿橫塘蘿痕印短牆雨來旋鶴井風急亂鶯簧  
虛牖納朝霽空亭受晚涼一卮聊自醉未曉尙春光

遣懷

年老鈔書讀逢人敢醉狂衣裳資草木談笑盡農桑  
蘿徑招幽客山禽戀小堂桃源隨處有何必問漁郎

譙郡有懷

征馬長嘶古道傍江山猶是舊斜陽但看飛蓋稱才子  
詎料當塗竊帝王細雨斜侵羅襪冷春風輕颭菜花香  
國朝畿輔詩傳卷三 七  
千秋欲弔奸雄蹟野雉空飛過白楊

壽春署中雜咏

八公山上列連營千載如聞草木聲投水無鞭驕晉壘  
賭棋有屐卻秦兵荒邱漠漠孤猿嘯落葉蕭蕭旅雁鳴  
勝地名賢兩寂寞白雲蒼狗幾回更

宿江寧鎮

江寧驛口暫停旌又是天涯幾日程漁艇晚炊烟乍起  
疎星漸落月初明烏啼簷角飛無定風翦林梢寒有聲  
伏枕不堪思往事殘燈獨坐夜三更

送張九達之揚州



少年曾逐五陵豪寶馬霜蹄金飾刀詩思清如淮海月  
文瀾驚似廣陵濤邗江古渡宜秋草瓜步芳洲倒濁醪  
二十四橋遊獵遍而今不說有盧敖

二平送朱汗朱歸滑州

壽春千里促行裝邂逅相逢薦羽觴瓠子河邊秋雁早  
黎陽城外柳枝黃人衝淮水披殘月馬過梁園趁曉霜  
寫罷黃庭藏客籠知君詞賦有長楊

送曹別駕謫官還里

問君拂袖意如何爲愛投竿返薜蘿交道三年同調少  
宦途百折左遷多還家每讀梁園賦挂席遙穿洛水波  
國朝畿輔詩傳

卷三

八

高蹈自知忘寵辱春來風雨滿層阿

香山寺

招提儼屋水之西屐齒隨僧路不迷幽洞夜來山鬼叫  
叢篁風動竹雞啼幾重絕巘千秋壯兩宇來青前代題  
百劫消磨山未改巖牆粉褪半成泥

徐子遜戶部典試蜀闈

三年籲俊貢天衢暫借司農文教敷三蜀有山連越嶠  
五溪無路下巴渝錕鍔自是延津劍騷裏非同轅下駒  
佇見焚風還大雅誰云滄海有遺珠

述懷

北望征鴻未寄書天涯空自負居諸草于霜後色全癯  
梅到冬初枝漸舒萬事關心頭早白一身多病齒先疎  
何時徙倚柴門外秋水蘆花學釣魚

夏日偶吟

沙麓城隅一草堂主人竟日可相羊晴風似酒榴花醉  
長日如年燕子忙陽羨紫茶烹石鼎吳江白苧翦輕裳  
柴門客少苔痕滿散帙微吟入睡鄉

讀張石龕集

張子文高四十年愜山山下葬荒阡騷魂自作芙蓉主  
才鬼應登菴菴仙千佛有名芳外史百身無計贖重泉  
國朝畿輔詩傳

卷三

九

精靈幸護遺編在墓草青青倍黯然

聞賀宣三新遷水村別墅賦贈

函樓久已逝波光別墅新開水一方疑是子真居谷口  
恍如陶令住柴桑簾鋪冰縷消長晝盃截青荷作羽觴  
何處風來偏有韻侵人花氣過東牆

玉泉山

萬泉噴湧作西湖四望芙蓉今已無寺遠僧還明月在  
水流路斷野橋孤濯纓塵去一朝靜脫帽涼來竟日呼  
竹裏行廚珍饌簡放歌不減舊狂奴

初夏漫成



新綠初肥草木榮  
南窗枕簟暮寒生  
偶然對酒心先醉  
相約看花意懶行  
節過梅天晴亦雨  
月逢望日旦猶明  
小軒浴罷渾無事  
起聽西園蛙鼓聲

黑甜一夢到桃源  
瓦枕繩牀樂小軒  
牆角花開稱姊妹  
籬邊竹迸號翁孫  
蛭蛻脫殼羽初振  
螭鳴陰聲尚吞  
孟夏良辰稱浴佛  
龍華爭赴給孤園

采石懷古

茲山歷萬年  
突兀起孤嶼  
欲覓酒中仙  
秋江寂不語

江行雜咏

雲定水停流  
霞光遠可矚  
一雙白鳥來  
踏碎波間綠

國朝畿輔詩傳

卷三

十一

涉溪

朝行溪水深  
暮涉溪水淺  
水性原無常  
人情如是轉

三山磯

芒鞋偶一到  
覲面亦噴岫  
半臂浸江水  
無人山意寒

西子

館娃齊唱採蓮歌  
吳越興亡問苧羅  
寂寞千年烟月冷

浣紗石上碧苔多

班婕妤

猶記承恩夜  
未央天顏有喜御  
鑪香自從紈扇  
西風急

長信蕭蕭水殿涼

綠珠

名園金谷已成塵，千載猶傷石季倫。  
有盡繁華皆似夢，至今惟說墜樓人。

鸚鵡

金眸靈鳥出西河，曾向潼關一度過。  
莫怪樊籠常繫爾，能言自古譴尤多。

采白懷李白

貫酒江亭解佩刀，奇峯突兀壓飛濤。  
乘舟捉月人千古，猶憶當年宮錦袍。

家園小葺

國朝畿輔詩傳

卷三

二

新築茆扉松下開，小園蔬藥滿畦栽。  
虛堂四望納風雨，時有香從水面來。

夏日遊敬亭山

翠雲不改似當時，載酒同官醉一巵。  
兩水雙橋如畫裏，座中猶見謫仙詩。

秋日登鳧山

寂歷澄潭映碧空，浮雲不斷古今同。  
入山始信秋光老，一夜青霜萬樹紅。

仙人

瑤臺十二玉闌干，夜半天階下紫鸞。  
說是仙人君不信。



空留秋色滿山寒

田宏正

節度驕矜胎禍深獨於魏博見臣箴太師廟外松杉古  
想見當年留闕心

盧柟

罵座名同禰子狂圖扉猶不廢詞章黎陽山下無窮樹  
何處盧鴻舊草堂

高郵舟中書所見

欵乃漁人舉棹聲女郎隄畔蹋歌行桃蹊柳陌人爭渡  
送盡孤帆一日程

國朝畿輔詩傳

卷三

三

傅惟鱗

惟鱗字掌雷號歎齋靈壽人順治三年進士歷

官工部尚書祀鄉賢有四思堂集

四庫全書提要四思堂集八卷傳惟鱗撰惟鱗有明書已著錄是集奏疏一卷記序雜著二卷詩五卷所載如更役法嚴巡方考覈諸疏及屯田苦民書諸作頗有侃直之風至士傳民語諸謠曲盡明末兵荒流離之狀然統其全集觀之則頗傷麤率蓋天性耿直直抒胸臆不甚留意於文

陸隴其傳尚書原名維楨少穎悟中崇禎壬午科舉人順治丙戌成進士入翰林為庶吉士尋授編修修明史戊子典試江南旋晉左中允以直言忤執政出為東昌兵備道駐臨清臨清當水路要衝凡大師經臨設法供應不令民輸半菽齊民感之甲子山左大饑施粥設賑安集流

亡數萬人又屯田爲民累窮年芟蕪卒無成功  
麟著屯田苦民書御史探以入告盡除之

特召爲少廷尉遷太僕寺少卿陞通政使甫  
五日左副都御史缺出銓部未及疏名

世祖謂麟曰無以易若卽拜左副都御史明日  
上勸學疏纒纒數百言意極忠懇又密策邊海

機務上嘉納上嘉納戍戍遷戶部右侍郎尋加  
太子少保靈邑地瘠民苦賂糧率土民具呈請

蠲荒賦得恩旨蠲糧恩旨蠲糧若干辛丑補工部  
右侍郎轉左侍郎旋晉工部尚書丁未春卒著

有明書四  
思堂集

### 徵兵謠

按靈壽縣志掌雷有謠三十篇總名  
士傳民語作於崇禎庚辰年錄二首

聞道羽檄下州縣徵兵補伍資征戰昔時只道從軍苦

今日從軍轉宴宴呼盧六博爭梟雉撒地青峽常數萬

### 國朝畿輔詩傳

#### 卷三

朝來郊射鬪便猿中途時得客人錢倡樓恣飲不能奈

拔刀每欲向人前主帥雖不給正餉幾敢曠目行威權

有時聞警趨壁壘麟麟蕭蕭何雄偉縱使流氛高逼天

兵將常離數百里馬不勞我日秣芻鞭箠威人如威奴

一時誰敢少撓阻割級正好獻幕府誰家有女顏色嬌

馬上常馱伴寶刀父母夫婿每追哭十里不見黃塵高

駐馬又復無營隊各人跨馬投闖闖夜來宰却疇上雞

天明攜去奩中黛護防城郭尤泰然棲遲噉飲相呼謹

一人稍稍不得志百千上馬揮刀鏗在家縣吏夷如草

大噪將軍跪求好一激爲賊掉臂行招安易得服官早



喜怒何嘗不自由殊勝在室勤鋤耨爭先報名挂兵簿  
駿馬驕嘶耀威武臨行惟屬女與妻隄防兵過爲兵虜  
城者詔

高兮古來已云高深兮古來已云深只爲有城不固守  
致令隨地賊騎侵十千長鑕鏃冰冰刀亂割踝及髀  
呼聲動地運石泥瞻望巖巖仍欲壘我築堅辱短勒限  
工難完我築駛他時傾頽追起止緩兮急兮皆不可半  
日無食仍負荷餓仆泥頭無一言吏來尙謂佯爲惰城  
上人池內屍親戚不敢明斂葬恐責補工多羈縻死時  
惟聞無他屬寄語妻孥莫向哭哭時或致城隅崩曾勞  
國朝畿輔詩傳 卷三 十四

役夫尺寸築

觀戴巖筭畫上有王覺斯先生題語

昔悟篔簹性今招山水魂有樓深寺出無路野橋存  
烟裏村如溼雲流樹沒痕况逢王逸少揮灑並難論

濟上雜咏

推波風力緊隔岸紫山迎小憩依沙楮長年狎浪聲  
檣危輪餉舳旌曳護漕兵永夜愁無寐孤燈一劍清

昔載名山筆花畦時自鋤行藏山屐贖歲月壑舟虛  
穉子歡旌鼓輕鷗笑簿書勞勞竟如此何日混樵漁

東帶羞彭澤扁舟愧子皮每因歸路遠益動故園思  
山



邈雲初斷臺空角罷吹著書徒覆額無用在東時

朱之弼

之弼字右君大興人順治三年進士歷官工部

尚書

測海集順治中右君官給事中極論六部遇事推委政務日弛請行試詢考覈之法累遷至戶部右侍郎尋謫官十六年授副都御史世祖方嚴懲貪之令得贓十兩以上者卽流塞北右君言此令出撫按所糾必無以大貪入告者何則一經提問有司無不求減賊罪圖保身命雖累千萬期不滿十兩而止然則有嚴令之名無嚴令之實也皇上但擇撫按一貪者懲之擇撫按一大廉者獎之衆貪懼衆廉奮矣十七年夏天旱因奏前山東撫臣耿焯河南撫臣賈漢復墾荒不實歲增數十萬之賦百姓重困怨苦之氣積爲沴厲宜加勘豁河南報

國朝畿輔詩傳

卷三

十五

災戶部言六月內早沛處處有秋何以彰德衛輝獨請蠲恤有旨覆勘右君固爭以爲地有空隆澤有贏縮兩露所滋豈無枯槁因極言覆勘無益與戶部尚書王宏祚力爭於朝宏祚辭卒屈康熙七年累遷工部尚書又言閩民攤賠兵米及諸徭役之害詔切責大吏多得罪去其弊遂草尋轉刑部以會推事蒙詰責同列者或勸之自明右君曰吾昨一歲四遷不以無功辭今甫一謫卽以無過自白乎遂歸老家

聞吳絜叟學使輯匡廬志詩以索之

聞道匡廬飛蓋時閒尋圖籍費周咨亭皋細酌濂溪水

石室親摹大禹碑鮑謝清暉看振策白蘓逸韻羨摘辭

憐余素有烟霞癖展卷終期慰所思

劉鴻儒



鴻儒字魯一遷安人順治三年進士歷官都察院左都御史祀鄉賢有四留堂集

畿輔通志鴻儒父光裕有行誼鴻儒登進士官戶科給事中

國初額賦未定吏胥為奸派擾滋甚鴻儒疏請頒賦制以甦民困詔從之又條上京東鹽法語極切直其在通政有遵

諭陳言疏在兵部有開請海禁疏在戶部有酌議錢法疏官都憲疏免通賦復論封疆大

臣不宜拘以文法墜任事之心請歸

筋部破例以收實效為科臣所劾歸

紅豆樹館詩話秀水高萬公承珽幸遷安於魯

一有國士之目魯一典學入閩甄拔所及杞梓

林立洵為不負賞識而高公去

思一碑於師弟淵源尤惓惓云

### 重游龍泉寺

溽暑鬱我懷攜朋尋高爽出城見南山幽况夙所賞龍

### 國朝畿輔詩傳

### 卷三

六

泉入神異風雨靈澤廣別來二十年老健喜重往密樹

結層陰峭壁當沈澹哈呀窳窳入薜蘿分披上躡翠陟

其巔大千指諸掌法王寶地尊霞光羅萬象景趣猶如

昔理會頓殊曩探無悟無極閱有謝有攘臨茲諸緣空

耳目餘清響留連恣遐矚浩浩神氣朗桃源勿勞思舍

此將焉訪

于嗣登

嗣登字岱仙安州人順治三年進士官大理寺

卿

安州志嗣登謙冲慈亮讀書不出戶閩順治丙戌成進士  
御試特授侍御史兩閱月以

監禮  
官遣視兩湖鹽政清通裕餉報最掌河南道事  
監視吏兵二部推陞補吏垣給諫轉禮垣掌印  
章疏皆關大計陞光祿寺少卿壬子典試江西  
得人甚盛累遷刑部右侍郎多所平反人號曰  
今之于公凡爰書有不當者輒獨上一議或難  
之嗣登曰此心獨愧此官安足惜會更定處分  
光棍例嗣登又獨陞大  
補光祿寺未幾陞大  
理寺卿已未病歸卒

贈杜子靜請假展祀

楊柳春風動繡旗鴻才太史出丹墀幾年霜露懷先澤  
到日山川展孝思易水征軺催驛路金臺落月映樽卮  
應知顧問王程早握別何勞憶後期

呂纘祖

國朝畿輔詩傳 卷三 七

纘祖字峻發號修祉滄州人順治三年一甲二  
名進士歷官宏文院侍讀學士有几圍集

過僧舍

林端梵影插秋天正在長流夾岸邊散步莫疑因病酒  
偶來非是為逃禪塵門不禁貧人履僧榻偏酣高士眠  
簷際松風波浪底月久忘身世隔塵煙

楊時薦

時薦字仲升號賢甫鉅鹿人順治三年進士歷

官都察院左副都御史

魏裔介傳時薦宦轍所至以子惠為先窮民無  
告者施予無倦遇大兵大荒之後尤加意撫卹



不使失所愛士禮賢如恐不及而祛積弊懲大慙毅然行之無所旁撓

### 構飲泉亭

夫子之道大溥博如淵泉井養在萬世飲德及飛螭當時乃不遇轍蹟此迴旋停車歆清冷挹注心悠然用汲艱明王東周誰解縣我來觀遺蹤肅拜重留連高風邈難卽匡坐想鳴絃何以寫仰止巍亭構數椽豈惟飾耳目亦用昭薪傳風雨永無虞勿墜告後賢

陳協

協字念蓋文安人順治三年進士歷官戶部侍郎倉場總督祀鄉賢

### 國朝畿輔詩傳

卷三

七

魏裔介傳念蓋究心當代掌故擢戶部給事中遷禮科陞工科極言閔議一無撓避非軍國大計不以上請定賦役俾民不重科官吏無容乾沒開國之始謚法未定臣下靡以勸懲公請列事蹟議之太常請當寧敷定本朝易名鉅典自公始宣大為雄邊號饒沃自姜逆之亂城若蹶脫已又裁宣撫與口北道公乃力言修復之便迄今漸得生聚皆其力也他如蠲文大鹽課之攤派譚畿輔水利之蓄泄其陳凶荒也言嚮子傭工事最為悲痛切民隱天下趨之不肯倚傍巋然獨立所言不抗不墜務循職掌無出位謀其中則毅然不可奪可稱名諫議也

### 弔曹孝子歌

孝子名廣攄字蘊昔少司馬無山公長子以毋病刲股而殞

母若病兮兒無以為情母或死兮兒不如無生兒病不言兮恐傷母心母生兒死兮惟念之誠生孝易知兮死



孝難名鳴呼其愚不可及兮亘萬古而常存

張慎行

慎行字五從號恒菴南宮人順治三年進士官

雲南晉寧州知州

南宮縣志慎行仕山東沂水令時軍興旁午慎行內撫小民外接禁旅儲糧餉以給軍需練鄉勇以防草竊蚤夜拮据迄用相安戊子丁內艱歸辛卯補晉安令邑僻處山隅無城池可守值金逆甫平人心洶洶慎行選練鄉總俾庠生屠公弼統其事癸巳正月賊驟至慎行入屠生家傳諸鄉總誓以大義指授方畧夜半出不意攻之賊大潰去陞昌康饒九四郡興屯同知身詣隴畝躬親勸課墾田萬頃歷官以來屢司文衡分校山東省試得少司農焦毓瑞等六人後補晉寧州牧致仕旋里

國朝畿輔詩傳

卷三

九

贈純臺李公崇祀鄉賢

鳳闕雞籌響玉珂秣陵攬轡意如何澄清狐鼠冰霜肅  
珍惜桑麻雨露多祠近宮牆親孔孟烟橫松柏聽琴歌  
名臣還有名臣繼駟馬高車渡沁河

張純熙

純熙字晦先正定人順治三年進士官廣東巡

按監察御史

拜主客司作

華省三年久毫無補寅清虛糜 天庾米徒抱國士情  
昨日 除書下又冒郎官名因思主客職建官良匪輕



天子當有道鞮譯悉來京以此柔遠服故設主  
客行古名典屬國外此無紛營署小虛生白老樹撲簷  
楹身閒討靜理坐聽幽鳥鳴同官多良友相見絕將迎  
問余親函丈啜茗依短枰言詩尊杜甫觀時憶賈生劇  
談忽已晚日暮出 禁城垂鞭信羸馬心和意俱平豈  
不愛顯達拙守自硜硜

送王孟二生下第南還

吾子南歸去燕山黃葉秋暮雲煙樹遠落日大河流俠  
氣看雄劍客懷憐敝裘那堪離別意迢遞故鄉樓

蔡含靈

國朝畿輔詩傳

卷三

三

含靈字子虛寧晉人順治三年進士歷官河南

睢成道僉事祀鄉賢

畿輔通志含靈知天台縣浙中劇寇縱橫台邑  
尤甚含靈甫下車設方畧出奇兵衝賊營斬其  
渠帥招降餘黨民始安堵擢工部主事累遷河  
南睢成道署桌篆纔六月清滯獄四百餘案咸  
服其神尋以疾卒於官

寓齋晚坐

自笑懶成癖一官今又閒客疎安用避門靜不須闕睡  
穩高吟後涼生落照間曠遐誠有分莫強論時艱

王登錄

登錄字拱北號退修一號懷園任邱人順治三



年進士官江西永新縣知縣有梅軒詩草

任邱縣志登錄授稷山縣知縣負才明敏案無留牘與革悉合民意姜逆變起城陷被執不屈賊羈之守者素德公縱請王營陳賊可破狀留軍中督餉賊平敘功補永新知縣邑荒殘人戶逃竄登錄務為煦育與民休息市井改觀

秋泊江上感懷

一艇江頭泊秋深水面寒蘆花全帶白楓葉盡成丹塞雁南歸易離人北渡難那能驅百感暫使舊愁寬

烈血八軀

烈妹宋宗室女也委禽於譚生子甫在襁褓元兵屠城譚舉家匿大成殿中為元兵所執殺譚一家以勝趙趙罵曰姑死汝舅死汝夫死汝我不死汝歸何所遂與嬰兒同遇害血漬殿兩楹

國朝畿輔詩傳

卷三

三

八軀間為抱嬰兒狀或磨殿狀益顯嗣殿軀破壞蒙以灰沙其蹟猶表著至今不滅云

特將心匪石保此掌中珠慷慨貞譚婦從容烈趙姝詞嚴輕利刃色厲叱狂奴血染堂階碧千秋總不渝

王景祚

景祚字振公號迂叟文安人順治三年進士歷官鴻臚寺正卿有用拙山房草

吳正治傳公生而警敏乙酉丙戌聯捷進士授山西太原府推官姜瓖叛大同人心恟懼公攝寧武道阨其吭議城守賊進偪太原時人心益驚擾會有蒙古兵防邊撤回途經太原頌供頓以部牌至例兵馬不入城公與撫軍議以計致之明日出師公介胄從與賊戰於晉祠西大破之斬首數萬追奔數十里至其所據城下拔其城賊遁去將軍將以軍法屠城公跪而請曰變



肇於逆民，賜從耳活。此百萬，人皆將軍。賜遂止，  
亭武饑人，相食撫軍。遣公愆之時，亭武倉軍儲，  
數千石，公不暇請。即日發之，曰：「活此數萬之命，  
罷予一人之官，且甘心焉。」既反命，撫軍疏奏報，  
可。壬辰，授廣東道監察御史。明年奉命巡湖，  
北明年補山東左參議，備兵東。突榆園盜起，竄  
城邑，山東河南直隸三省會勦，莫能除。公擢將，  
孫維統沈勇，有畧，公專任之。授以機宜，踰旬斬  
賊師，以獻。丙申，以憂去官。己亥，起補杭嘉湖道，  
庚子遷太常寺少卿。轉通政使司右通政，尋轉  
左通政使司。丁未，轉都察院左僉都御史。尋升  
奉天府尹。先是，遷徙人口，隸各牛泉下，分特疏  
請歸州縣，遷客流人，雖有羈旅之苦，而無奴隸  
之辱者，公之德也。遼左舊不推鹽，有豪商叩  
關請行，下公議。公疏言：「遼左不推鹽者，實有遠  
慮。一旦創舉，恐滋後擾。」奉旨罷之。辛亥，升大  
理寺卿。親閱爰書，多所駁正。每不狗衆議，持疏  
上聞。乙卯，補大鴻臚。明年請告回籍。年七十卒。  
房草若干卷。

國朝畿輔詩傳

卷三

送韓斗山刺濱州

鳳城雪霽氣仍寒，握手長亭欲別難。  
一路兒童遮竹馬，三刀父老望銀鞦。  
不愁濱海無新咏，但惜燕山失舊歡。  
信道故人情未倦，琳琅須寄百篇看。

國朝畿輔詩傳卷三終



國朝畿輔詩傳卷四

長洲陶

樑彙薈輯

錢塘吳長卿更生校

楊思聖

思聖字猶龍號雪樵鉅鹿人順治三年進士歷官四川左布政使贈工部侍郎祀鄉賢有且亭

詩

四庫全書提要且亭詩集揚思聖撰申涵光所作小傳稱有且亭詩七集然不著其卷數此本乃思聖既歿其子履吉所編凡詩八百餘首其入蜀諸作刻意摹杜而刻畫之痕未化也畿輔通志思聖任山西按察使老吏挾獄詞前立挑燈披覽不三月了積獄三百六十案無濫無枉擢布政使蜀當新闢百事草創首以招徠為務綱舉目張翕然從之

國朝畿輔詩傳

卷四

一

魏裔介楊猶龍墓誌公幼有神童之目年十二補博士弟子員己卯以鄉試副榜貢入太學壬午中順天舉人丙戌成進士選翰林院庶吉士已授編修纂修實錄陞河南布政使轉學士尋出為山西按察使陞河南布政使轉學士川左布政使卒公天才雋妙風神卓絕尤工詩擅晉人書法世祖皇帝方留心翰墨召詞臣能書者面給筆札公所書兼幅獨稱旨賞賚有加會補外在山西識決精敏累年大案外立用公遂補外在山西識決精敏累年大案片言立解在河南攝左藩事草義額給軍餉廉潔稱遷蜀需旁午通省權荒立法盡善計增處時又用兵蜀需旁午通省權荒立法盡善計增千緡公悉心綜理首曰募開荒立法盡善計增額至數萬次日招外商平劑物價無有奇贏四方擔負而至蜀漸復故凡四載入觀賜袍服有差而病已甚矣公於詩抉開元大歷之精隨明人中獨喜李空同何太復當冥搜放意動恆天然入蜀以後益蒼茫蔚跼伯仲浣花生平鑑別人倫接待寒素有若饑渴己丑禮闈叛



今侍讀學士曹本榮等二十八人先是公與永年申涵光雞澤殷岳讀書廣羊山中後居方岳每懷巖棲之志及病亟殷生時在左右公曰我為庸醫所誤殆將不振後魂其依廣羊乎太原有高士傳青主者精醫術若彼至或可救及至而公已沒公之知人能得士心也類如此紅豆樹館詩話柏鄉魏公嘗作五君詠首推先生也蔚州魏敏果公一時稱為楊魏其出按山西也吳梅村學士送以詩云碧山學士起嚴裝新把牙旌下太行玉塵開尊從將吏銀毫判牒喜文章三關日落疑笳吹千騎風流出射堂意賜錦袍天上暖西游早拂雁門霜一天涼影散鳴珂落木平沙雁度河北地詩名三輔少西風客思五原多紫貂被酒雲中火鐵笛迎秋塞上歌回首禁城從獵處千山殘雪滿滹沱後遷蜀欲自投劾歸例外吏不得自陳撫軍羈留之遂病行抵軹關卒且亭集近體多于古體五律九多于七律申涵光稱其後音亮節上宗老杜近比信陽王金埭稱其寄託深遠一往豪邁皆非

國朝畿輔詩傳

卷四

溢美故著錄較多

秋夜感述

空院響梧桐夜永秋方半竟夕不遑寐沈吟坐成歎披衣步前楹仰視星河爛初月出未高眾星縱橫燦南有孤飛禽肅肅厲羽翰霜重儔侶失哀鳴如有怨苦被凡鳥猜顧影自驚彈稻梁志已違鳧藻非所玩何當繪繳收飛飛入雲漢

送黨大司農于姜告歸

知足志士懷盛滿達人懼自昔以為訓白首乃不寤曠覽懷前哲艷稱有二傅參參經千年此道不復著况當



天衢亨羣公正翔步華纓間朱輪照耀紛馳驚胡然遽  
拂衣維繫不可駐征車旦夕駕僕夫儼在御賦贈滿詞  
林尊酒狹廣路感彼道傍人三歎爲君顧日夕悲風起  
驚沙卷高樹去去難重陳庶足慰遲暮

答周元亮

時以陳章侯畫見寄

長安無靜交車馬紛相望寸心各有營僂俛學揖讓嗟  
我素心友遠隔蠻方瘴澗別已歲周延佇空惆悵何來  
雙鯉魚緘書報無恙開緘讀素書畧盡寒溫况雅慕劉  
簡齋清修秉微尚爽籟振金石孤吟發空曠如坐仙霞  
巔聳肩聞高唱寄我篋中山突兀恣奇創烟雲儵起沒  
國朝畿輔詩傳

卷四

三

巖角忽簸蕩髣髴來虛室章侯與元亮人生百年內役  
役無善狀詩畫及友朋常苦不得當殷勤謝遠人斯義  
誠難忘

寒夜

冬夜淒以長寂寞絕人境涼月薄帷幕荒庭交樹影寥  
寥寒柝鳴熊熊孤劍冷擁被不成眠森沈萬慮永早歲  
乏深智凌厲思一騁遂爲世網牽甘心逐蛙黽人生不  
百年哀樂在所領貧賤各有適豈必勒鐘鼎愁來憶古  
人見機苦不猛含恨當語誰淚下如修綆

卒歲感述



我有長恨端道此歲暮情朔風吹庭樹寒日照柴荆起  
坐仰天嘆歸鳥飛且鳴吾生胡不達獨爲世網撻

冉冉冬日暮積雪耀林端負疴卧虛室慨然念微官家  
貧祿復薄妻孥常苦寒况乏濟時畧終當歸林巒奈何  
日徵逐索米老長安

出門何所適落日見西山回望寸心違逢人多厚顏三  
五誰家兒傳呼大道闊貂裘控驄馬嚼齧黃金環出入  
尙書第可望不可攀引領長太息歸來獨閉關

懷古

日夕登高臺云是昭王墓野雪蓋枯草不見征人路霸  
國朝畿輔詩傳 卷四 四  
圖旣銷歇山河亦已故徒有黃金名千載令人慕

古風

豺虎性甘人狼貪固難移哀此蚩蚩氓感感安所馳機  
深伏魚鳥山澤網吾施矜恤猶不暇况乃任恣睢晨興  
理爰書涕下如漣沍坐視不可救惜哉心力疲昊天有  
明鑒殺人烏可爲

山行遇雨

栖栖苦無成中年嬰世務行役安得辭雞鳴懷往路陰  
雨感天時險夷信所遇振衣陟重岡蹉跌無安步輿夫  
怨塗泥招呼何暇顧滴瀝聲轉急千峯起烟霧風來麥



浪翻綠波飛鷗鷺山花隨意開瑣細不知數衆壑響驚  
濤丁丁石橋渡牛羊下高巖樵牧隱深樹旅途雖云勞  
亦復賞幽趣行行至前村燈火時已暮

入棧紀行

極望峯巒稠雲飛常沒頂空翠霑衣裳吹落澗谿影花  
鳥亂聽聞心眼細細領晞陽射碧潭石鄰碎光炯蒙籠  
草葉陰樹老身戴瘦山鬼時一嘯肅肅毛髮冷前行隔  
後行後嶺迷前嶺

戒途首茶坪跼步凌盤磴登登僕馬勞相顧色不定石  
氣涼生兩亭午山色曠感歎發中懷何暇賞幽勝客子

國朝畿輔詩傳

卷四

五

多畏人履險憂踳踳

山深四時殊六月麥未穫地瘠民苦貧終歲衣裳薄不  
知造化理于何齊美惡美者豈常妍富貴蒙丹矚惡者  
豈常媿貧賤甘藜藿美惡天難問窮愁伊誰託

棧雲易爲雨朝行蒙霧露崖樹架連橋奔流澗石怒攀  
緣爭一罅坡陀馬足誤山禽鳴翠屏幽陰衆壑赴始知  
所歷高下見夜來路壯懷在馳驅漫自賦感遇

鳳邑萬山內城小帶砂岡草深鋤犁廢礮确石田荒居  
人盡健兒戶口半逃亡况復通秦蜀官差日相望喧喝  
盛氣勢錦衣坐當堂奔波縣令走驛吏色倉皇美酒間



大肉飽食身手強持符事橫索鞭扑多殘傷此輩工假  
竊仁者宜慎防安忍見窮黎割肉奉虎狼

千峯萬峯盤鳳嶺稱高秀蒼甸巖谷深終古雲烟奏淒  
清囀異禽斷續啼猿狖山果俯可拾雜花開錦繡何處  
潛蛟龍崩奔雷霆鬪百折未及半回首低羣岫峻嶒石  
齒尖寸步苦難就嗟哉此險艱行人困馳驟安得煩五  
丁手驅噉喋走魍魎不敢藏朗然見白晝突兀何時盡  
鬱結使我疚

客子悲遠道旅途未遑安整裝凌晨發帶雨度柴關灘  
石相激聒雲生暗峯巒步滑屢欹仄衣溼幾時乾強顏  
國朝畿輔詩傳 卷四 六  
慰僮僕談笑輕波瀾中情默自傷胡能駕羽翰  
男兒生不偶辛苦遠行遊蜀道連天塹山川阻且修登

車抗前旌慷慨彈劔緜功名既有分亦不爲封侯所悲  
同衆人白首老園邱浩歌懷古烈馬嘶風颼颼誰能乞  
世憐永爲高士羞

棧深雷雨驕溪喧愁無寐積霖困荒村檐瓦隨風墜蕭  
條晨爨艱恒饑色憔悴人馬雜坐臥相對發長喟起視  
山頂雲縷縷生烟織重陰密難開惜此陽光闕

棧行苦未已終日歷崔嵬西登雞頭嶺喜見萬山開七  
盤相摺拄石門雲氣來落景望梁州川原繞城隈不復



憂顛墜暫得避喧厖寸心稍慰悅故鄉安在哉艱難蜀道遠哀歌首重回

遊玉峯

聞南玉峯危獨立諸山遠曲折抱河流回回巖谷轉凌晨果茲遊沙石亂清淺登頓披紫茸蹠踏履齒緩呀然天闕開羣壑俱在眼錦屏西如朝雲氣互晦顯古殿稍輝煌歲久積塵滿恭惟上帝尊像服猶冠冕最後孤頂圓峭絕昔誰刻相傳璞璧藏欲採苦深緬下望見江村人家散平衍戶牖蔭桑麻花竹通雞犬尙想堯舜時飲食恣衍衍奈何戰伐仍干戈到魚編門多縣吏跡夜黑國朝畿輔詩傳卷四七

斯踐

登城觀江漲

長峽古誰鑿險勢闕閭崖東下急湍萬壑爭奔放溲雨重陰積半夜聞江漲驚響鬪雷霆陣馬鳴甲仗晨起憑危堞目盡波瀾壯杳冥衆山浮城郭恣混漾崩石頽岸沙千艘不得上在昔此川水吳楚舟相望羣流會夔門瞿塘如搯吭千里片時間哀猿叫疊嶂何當靖寇盜深谷見滌蕩舳艫接東南絡繹看轉餉飽聽竹枝歌競學榜人唱乘興過荆襄擊楫破巨浪倏忽通往來布帆



欣無恙

送王邁人分藩江右

落葉千山肅分飛，鴻雁鳴如何在異鄉。  
茲晨送子行霜露，被征衣寒林多悲聲。  
執酒立斯須，對酒不能傾。我聞溇陽水，江流九派清。  
匡廬勢岌岌，嶂隱處惟孤貞。  
奇草徧巖谷，服食可長生。  
青雲日以馳，白髮日以盈。  
安得脫塵網，相從採芝英。

春郊行樂

負疴四運周，久臥積重陰。  
今晨天氣曉，和氣吹我襟。  
息訟朝行樂，駕言適水濱。  
雜英覆芳甸，麗日耀層林。  
谷靜國朝畿輔詩傳卷四  
八  
嘉禽集參差，弄好音遊子。  
感時序，遇物成悲吟。  
榮名復何事，素領忽見侵。  
嘆息靡家室，悠悠滯余心。

爲丁野鶴題重逢羅漢卷

白描虛傳羅漢像，古今幾人稱心賞。  
公麟已沒章侯死，畫手徒多祇鹵莽。  
我觀此圖真奇古，經營毫髮皆可數。  
縱衣幻作蜃樓雲，飛錫倒連滄海雨。  
洪流汨汨旃檀香，老龍夜吐明珠光。  
水精魑魅盡辟易，翠蓋靈旗時渺茫。  
隣君自是再來人，靜修白業種佛因。  
暮市遭逢雙眼碧，泥塗一紙見前身。  
攜君手爲君題，精爽颯颯日已低。  
相期共結青蓮舍，杖履常隨明月蹊。

放歌行贈崔興我

督亢陂邊沙浩浩昭王臺上空衰草擊筑難尋舊酒徒  
拔劍哀歌天欲老崔生崔生謫仙儔一飲一石不能休  
心輕黃金如糞土常將白眼對王侯昔年驄馬氣如電  
揚州視聽誰不羨一朝歸來祇敝裘蕭索翟門無人見  
惟我與君最相親得錢沽酒不辭貧脫帽露頂復大笑  
人間毀譽等浮塵只今持節向安廬許寄毛家一籠書  
丈夫相知在然諾天涯雖隔猶比閭執君袂把君杯眼  
前同心能有幾身後榮名安在哉奈何不醉徒徘徊

雪浪石以子瞻得名魏石生年丈雪後望西山曰

國朝畿輔詩傳

卷四

九

此雪浪山也作詩屬余和之

亂石槎枒古北口怪雪吹山山勢走千巖萬巖何夭矯  
天吳鼓鬣老魚吼絕似層冰結又如碧海移耳邊已聞  
驚濤怒眼底常見堆琉璃蒼虬蜿蜒數百里噴珠濺沫  
鞭不起中有雲氣隨變化晶光騰掉鱗甲裏昔有髯蘇  
氏得石名雪浪卽以顏其齋作銘坐相向吾友石生更  
好奇每對西山發浩思雪後迴視忽大叫高懷應許子  
瞻期風塵瀕洞道路艱泥污車馬滿市闐安得攜手住  
岩間劇藥餐霞弄潺湲來往空明豁心顏

送彭燕又旋里兼訊顧偉南



光熹之際龍在野人文往往歸復社當時陳徐最知名  
君也犄角不相下十數年間歎沈淪俊及廚顧俱埃塵  
短衣破帽子尚在流落誰悲失路人去年上策復不遇  
憐才難買千金賦狂歌日沾燕市醪痛哭屢弔昭王墓  
愛我時時肯一過酒闌擊劍客顏酡人生感激爲知己  
杼心寫意豈有他送子七月涼風早蓴菜鱸魚秋正好  
到家爲問顧偉南他日相逢漫草草

雪樵子行

昂藏七尺雪樵子浪迹金門飢欲死十載栖遲守一官  
不堪重問少年事少年意氣頗不羣共羨作賦凌青雲  
國朝畿輔詩傳卷四  
十  
縱橫豈屑秦王父指顧常輕霍冠軍交遊盡是天下才  
置酒論文登高臺屢欲將身獻  
聖主手拯蒼生

何雄哉物換星移陵谷改相看無復舊顏在著書誓擬  
老吾廬採藥頻期入滄海偶觸世網困風塵敝裘羸馬  
走踈踈自憐不是公卿舊且復低頭隨衆人懶慢從來  
不同調強學磬折何由肖婆娑每使長官嗔蹭蹬微聞  
僮僕笑以此感歎獨閉門蕭條謝客負朝暄一歲苦吟  
詩一卷眼暗手皴雙鬢髡君不見潯陽陶元亮囊懸乞  
食猶無恙罷官彭澤乏酒錢黃花滿把坐相向又不見  
浣花卜居叟離亂衣衫露兩肘朝移西瀼暮東屯旅病

年年艱升斗歷觀古來達人高士大抵皆如此况我才  
疎已老飄雪樵子爾何癡郭外有田牀頭有醜遶屋青  
山雲靄隳當階流水竹離披何如早歸去耕爾田啜爾  
醪登山臨水讀書彈碁胡爲汨沒名利場魚魚鹿鹿下  
氣低眉黃金不可聚官高亦足危以窮以老安足悲

送人入蜀鎮幕

中原雲擾爭逐鹿奔走下士競車轂整頓往往歸異人  
豈能憔悴老山谷羨君年少迴出羣翩翩意氣美而文  
紫駟飛轡致千里白袷談兵驚一軍上書會邀

天子顧杖策西出蠶叢路諭蜀爭傳司馬文登樓漫擬  
國朝畿輔詩傳

卷四

仲宣賦憐余薄宦歎飄蓬愁病獨吟一老翁相逢傾蓋  
如舊識時時慰藉旅途中江城春早寅回斗梅花爛醉  
嘉陵酒野寺行人送夕陽山亭弔古圍衰柳卽今經歲  
苦南征烽烟滿地哀笳鳴君去莫惜箠中箭爲我一矢  
下聊城

酬王邁人見懷之作

梅花已落杏花吐庭樹春禽兩兩語微風一夜吹草堂  
曉來獨看屏山雨珍重裁書寄數行淋漓佳句墨痕香  
烹茶正欲聞清話泚筆頻遲作報章憶昨追陪成造次  
朝飲江頭暮佛寺相別不覺動隔年車馬雜遽非我志



平生快意幾能酬况予與君同宦遊嶺雲溪水徒勞望  
子規聲斷使人愁

苦雨

巴蜀多山山雲屯十日五日雨聲頻竹籬塌壓連墻倒  
鵝鴨喧闐惱比鄰經旬不出閉門坐簿牒沈綿愁無那  
碧草青苔緣階生鷓鴣鳧鷖交相賀驚聞街頭米價高  
民窮難免衆嗷嗷稻畦淹沒豆苗晚耕種誰憐終歲勞  
况復夔州尙苦戰轉粟如鱗常恐玩幾時兵罷雨亦晴  
閭閻沾酒賣釵釧

己丑除夕

國朝畿輔詩傳

卷四

七

臘意中宵盡驚心事事違暗知筋力異漸覺宦情非燒  
燭留殘燼開簾待曙暉闐闐憎巷鼓旅夢不能歸  
行藏難自料漸老歲華侵孤枕他鄉夢兩年今夜心笙  
歌喧薊北烽火接山陰萬事蹉跎裏無勞問陸沈

寄懷南亭諸友

一從辭舊社卻悔廿年心薄暮無知已中宵思故林亂  
離猿夢隔烽火雁書沈爲報粉榆子名山好共尋

歲暮感興

難從季主卜羞自判行藏腐久移風土官閒愧稻梁鄉  
心侵歲切旅夢隔年長徙倚空庭暮昏鴉背日黃

金山寺

峭壁開初地中流瞰大江  
濤驚逆石走佛怒喝潮降雲  
水圍僧榻龍雷護法幢  
青蒼望不極終古自淙淙

宿山寺

暝鐘投野寺客意憚蒼涼  
巖壁禪燈暗花龕佛火荒  
盤藤懸古月老桂發幽香  
幸就山僧榻塵緣得暫忘

野眺

凭高不可望曠色斂寒空  
湖濶吞天白霜稠亞樹紅  
平沙團宿雁荒徑響秋蟲  
故國音書香雲山無路通

遜題陳鍊師紫芝山房

國朝畿輔詩傳

卷四

三

天宇晝沈沈清齋見道心  
鶴盤松樹古泉聒翠微  
深石氣封丹竈秋風動玉琴  
金芝尙可覓不敢戀華簪

送宮紫元南還

十年纔一會戀別惜杯殘  
落日江湖濶孤帆何處看  
冬風吹劍冷凍雨觸衣寒  
預想還家夜閒堂夢乍安

寄申臬盟

愁思風雨夕忽漫十年過  
曾否狂如舊將無鬢已皤  
君才豈濩落吾意亦烟蘿  
出處誰能識悲哉兩地歌

夜雨

官冷閒於寺幽居不近名  
挑燈尋舊緒聽雨坐深更  
暗



曠低龍氣空堂度雁聲興來何所事午夜有詩成

次宋玉叔雨中過訪見投原韻

齋居無一事留客此茅堂風雅名難副烟霞道未忘披  
帷來細雨敲竹散空香待到秋期近移尊泛月涼  
衝泥君肯出走馬到堦欄坐覺千峯秀談深六月寒美  
名應自惜好句與誰看落落風塵裏能無愧一官

喜申臆盟至都門

意外勞相訪秋風人正閒喜深無一語驚定始開顏款  
款悲雙鬢遲遲話故山長安非昔日莫畏鶴書還

不堪今夕會重憶亂離初人老千戈裏交存生死餘山

國朝畿輔詩傳

卷四

十四

川幾命駕涕淚共裁書十載還耕約相看愧鬢疎

望極燕山暮相逢感泣多人間遺玉椀故物指銅駝恨

血千年碧

甲申素園先生死國難

龍池永夜波雄圖今已矣尙有

酒徒過

秋懷

秋城餘返照霜色淡遙峯落葉空齋掩蕭條聞暮鐘客  
情隨宦減生事逐年慵兀坐遲今夕懷人何處逢

送申臆盟并呈殷伯巖

幾月依燕寺蕭條客念歸送君懷往路昨日雪花飛薊  
北連沙戍漳南老蕨薇寄言殷伯子招隱故心違



山信

歲序冬逾駛，栖遲未得閒。  
邊風吹碣石，大雪滿燕關。  
濁酒堪扶老，黃金豈駐顏。  
年年山有信，招隱幾時還。

辛歲感懷

生涯今莫問，何事老長安。  
花鳥催春近，冰霜逼歲殘。  
漸看容鬢改，轉覺宦遊難。  
寄謝寒梅發，窮愁賴爾寬。

早春

流年何太劇，春事早相尋。  
車馬征人路，鶯花故里心。  
暖烟回遠陌，晴日散遙林。  
翹首憂偏切，誰堪拄杖吟。

生事還如此，閒門晝不開。  
夢隨池草發，春逼雁聲來。  
貧國朝畿輔，詩傳

卷四

五

病從吾好迂，踈任世猜芳。  
時容易度，肯惜盡餘杯。

寒食

風雨長安路，淹留客計非。  
閉門傾濁酒，寒食換春衣。  
深巷烟初亂，鄰家花又飛。  
十年官舍冷，何處夢漁磯。

春日閒居雜詩

人間天意靜，幽興滿吾廬。  
藥銚春晴後，甌香午夢餘。  
尋山常愛畫，懷古賸翻書。  
只此堪容懶，浮名漸欲疎。  
老眼拚花放，衰顏劇酒紅。  
人情隨地異，春色故鄉同。  
散秩容狂子，乘時有數公。  
生成造化力，何必泣途窮。  
淹蹇爲郎久，生涯竟若何。  
燕泥增舊壘，庭木發新柯。  
應



接千眠減揶揄春夢多空慚招隱地高士滿山阿

寄懷李言本兵備

雲中連朔漠檠戟欲臨關落日邊笳靜春風戰騎閒登  
陣懷古烈舞劍壯顏顏獨有書生誤金門鬢欲班

送家弟臨三鄉薦後歸里

還家初得意此去有逢迎磊落真吾弟栖遲愧爾兄青  
雲輕少壯薄俗重科名方羨驪駟異終看萬里行

搖落

沈寥天氣靜風景起離憂雁叫龍沙月霜飛鹿塞秋短  
衣垂老淚遠夢結鄉樓萬事同搖落憑人呼馬牛

國朝畿輔詩傳

卷四

六

冬日閒居

曙窻驚客寐羣動各蒼茫犬吠寒城拆鴉啼早樹霜婆  
娑身易老羈束興難狂夢斷梅花信清宵淚滿牀

關山月寄宋玉叔兵備隴右

爲憶關山月征人幾度看不堪悲玉塞何處夢長安影  
亂黃榆冷秋生畫角寒男兒期報國清嘯漫憑欄

秋感

上書悲樂毅結客感燕丹易水河流咽高臺草木寒那  
能憐駿骨空復憶危冠萬憤填胸臆時時把劍看

惆悵前朝事秋來思不勝青山圍故國白露下諸陵禮



樂存遺逸興亡問老僧異時誰載筆涕淚傳萇口  
秋聲何處至一夜送寒湖月暗蠓蚘塞雲沈蠓螻橋深  
巖棲老衲古木響山樵此意無人識空齋客夢遙  
破悶惟耽酒傷離不廢詩暫須依薄祿未可怨良時兩  
雪孤臣淚關河旅客思那堪風景暮淒淒斷使人悲

出都宿天寧寺

襖被倉皇去黃昏入梵林鐘聲清客夢鈴語喚禪心兩  
雪都城暮風霜驛路深何時征蓋息復此得幽尋

過金粟寺

寺爲故晉藩園

暫喜辭塵務今來禮梵宮慈雲敷貝葉法雨響松風跌  
國朝畿輔詩傳

卷四

七

坐諸緣幻觀身萬累空名根終未了遮莫泣途窮  
地是王孫造名因浩劫留園花資佛力畦藥足僧謀落  
日千峯迴汾河一線流登臨真不厭髣髴識椒邱

出太原

悵別并州路還看似故鄉一年愁與病遠道雪兼霜簿  
牒憎人面山川潤客裝無嗟遊宦苦不減舊疎狂

雪霽山中曉行

悲興資遠眺曙色指朝暎春雪雲邊寺孤烟山下村殘  
鐘驅客夢冷雁喚征魂何似林居子高齋尙閉門

下太行望清化鎮



晉豫猶同壤喧寒一嶺分村籬圍竹樹隴麥覆春雲倦  
馬嘶隄柳征人看雁羣平原堪縱目不覺至斜曛

送周茂山歸四明

不敢留君住知君有老親門前黃葉樹江上白頭人負  
米休慚祿烹葵莫厭貧甲兵天地滿何處好爲鄰

晚行田家

野濶通征騎村低帶落霞雞棲農事靜牛飯夕陽斜秋  
露滴禾黍天風吹豆花他鄉時序好何用苦思家

遊百泉次韻

不謂風塵客相從到百泉山空疑作雨林密欲爲烟亂  
國朝畿輔詩傳

卷四

六

石當樵路平流散渚田薄遊堪取醉好向水亭眠  
登頓勞心目如從畫裏行松驕盤石險雲靜蕩波平孤  
嶼採菱唱深巖伐木聲低回幽興得句不書名

題孟陟公高齋

無復風塵到蕭然處士家翦藤閒潑墨燒竹夜烹茶世  
路何須問浮生自有滄兒童能解事埽徑報飛花

朴畧高軒爽幽尋自往來畏人雙戶槩愛客一尊開聽  
雨留殘竹行歌餞落梅卜居何地好爲汝獨遲回

同翁藏若馬茶史何仲端李簡臣梁曰晉遊超化

峭壁千尋上人家已定居春秋遵漢臘雞犬是秦餘堂  
豁堪娛老山深好著書一椽如肯借不異在吾廬

少林寺

古寺雲深處山圍面面峯鳥鳴金澗竹風落翠微鐘斷  
碣封蒼蘚長廊倒怪松往來看不厭昏黑更扶筇

登華山

絕頂儵然上身輕漸欲飛天風吹竹杖嵐影溼仙衣歲  
久黃精老山深紫蕨肥憑虛諸念滅猿鳥本忘機

茂陵

寂寞高原上踈風禾黍哀豪華追往事拓畧想雄才封

國朝畿輔詩傳

卷四

九

禪終何益神仙竟不來可憐民力盡遺恨在輪臺

龍山寺明睿藩所建報恩院也老比丘猶是分封

時與攜者自言行脚漢南已四十年矣龐眉白

首每話前朝事輒爲潸然也

帝子今何處兵戈苦未消龍歸存浩劫僧老話前朝杖  
履風雲暗江山涕淚遙焚香慚報國白首望青霄

漢山感懷

漢南猶未定兵亂見蒿萊雨漲蕭何堰風高韓信臺江  
山銷霸業日月老雄才底事龍川水東流竟不回

觀音寺



古寺臨山澗門前積翠重一燈然密室萬壑落疎鐘劫  
盡佛恩見雲深僧路逢誰能空世務來此訪幽蹤

遊錦屏山

山盡飛黃葉登臨感客情寒城朝日色空谷大江聲  
遠驚烽火林開見耦耕興來煩竚立拄杖一身輕

悼馬

遠道誰相伴長鳴爾獨親艱難關塞濶遲暮雪霜頻病

骨埋荒草征魂託主人

馬走死棧中  
先一日見夢

風塵騏驥少老淚

欲沾巾

轉戰

國朝畿輔詩傳

卷四

辛

轉戰幾時定驚看羽檄馳千山鳴畫角萬竈冷晨炊川  
北徵輸急滇南消息疑不知諸大帥何以慰瘡痍

十五夜

門閉不成歡蕭蕭坐夜闌春星低院曙明月近人寒客  
市聞燈夜鄰家聽曲殘殊方餘此夕重覺別離難

春日項永伯招飲

選日歌筵敞圍花幔帳開天涯朋輩合春色故鄉來薄  
醉霑燈影輕寒護酒杯盡拚今夕賞莫問晚鐘催

得周茂山書

與子相逢日攜遊笑醉歌一年棲代北三月渡黃河別

後同吟少書來昔夢多歸期如不負未敢恨蹉跎

得紀伯紫書卻寄

悵望故人信春風鴻雁初經年巴峽客隔歲秣陵書杖履身應健江湖願豈虛昨來頻送警高卧定何如

聞城春望

客眼登臨豁山山入望蒼江沙連岸草春水上城牆雲暖玉臺碧風輕聞苑涼依回憑眺久忽覺在他鄉

柬程石公

與君俱有意相對且吞聲虎豹天門險山川蜀道平年衰資藥裹才拙斷逢迎欲共峨眉隱安禪老此生

國朝畿輔詩傳

卷四

三

贈于念劬

處處窮途淚休嗟蜀道難身閒從策杖俸薄笑加餐故國雲山渺巴江花鳥殘風塵知己在何必說彈冠

題畫

萬峯行不盡客倦欲黃昏古路三叉口斜陽老樹村風鳴山大吹澗黑夕鴉翻寂寞成孤坐憑誰具酒尊

瓜州守風

芙蓉露冷暗香銷仗劍從遊客路遙落日人歸京口兩

孤帆風打廣陵潮大江水濶魚龍會澤國秋聲雁鴛驕

擊楫祇今誰士雅白頭空自老漁樵



寄懷殷伯巖

策杖同聽山寺鐘幾年相憶采芙蓉歸田真見陶元亮  
入洛虛傳陸士龍薄命一官仍短褐狂遊五嶽有孤筇  
廣羊石室依然在他日芒屨許再逢

漫題

寂寞雙扉晝不關每臨書卷一開顏才疎未便文章誤  
性僻偏宜禮數閒華髮初生慚北里名心漸冷夢西山  
長吟漫訝交遊絕抱膝猶堪自往還

得周元亮書卻寄

搖落江湖鴻雁疎聞天消息近何如殊方不隔秋原夢

國朝畿輔詩傳

卷四

三

萬里驚聞嶺外書慷慨誰人同患難兵戈滿地歎居諸  
曾聞白下堪謀隱忍死還來其結廬

西安懷古

草色淒淒滿漢宮山川憑眺杳難同金莖朝渴仙盤露  
錦鑣春收畫鷁風古道重來迷渭水行人何處識新豐  
驚心城闕蕭條暮落日寒烟恨不窮

春興

花飛二月徧林泉客况清和萬里天錦水晴沙明浴鷺  
巴山春雨過啼鶉移書自愛支茶竈沽酒何慙解杖錢  
莫使離愁侵病骨他鄉物色倍堪憐

晚春卽事

花落閒庭春事闌  
主人長日但加餐  
竹間路好披雲入  
窗裏山宜帶雨看  
半篋殘書留過日  
百年衰鬢罷彈冠  
蕭條莫厭交遊冷  
逆旅悠悠蜀道難

漫興

浮名萬里笑遲留  
旅病經時漸不憂  
載酒偶然逢客話  
看山遲日上僧樓  
白雲千嶂夕霞亂  
紅樹一江清露流  
瀟酒微官隨去住  
閒身此外更何求

昭魏石生年丈

相見何禁感慨頻  
應憐拙宦久風塵  
身名肯使慙知己  
國朝畿輔詩傳  
卷四  
三  
尊酒重來對故人  
里巷烟霞還似舊  
長安花柳幾回新  
迢迢又逐征輶發  
敢擬高眠伴隱淪

上谷道中

上谷蕭條古塞垣  
居民戰後幾家存  
門連青草朝烟冷  
風走黃沙曉日昏  
獵騎臂鷹穿巷市  
健兒飲馬下河源  
不堪少小追遊地  
老大重經欲斷魂

題畫

幽徑蒼苔滿  
秋山黃葉賒  
騎驢吟正穩  
不覺夕陽斜

見山堂秋曉

曉起坐空堂  
寒花垂白露  
科頭懶讀書  
閒寄籬邊樹



國朝畿輔詩傳卷四

終

卷四

十四

國朝畿輔詩傳卷五

長洲陶 樑冕薊輯 寶坻高繼珩寄泉校

邵煥元

煥元字淩玉號雪嵐長垣人順治三年進士歷官湖廣提學道按察司僉事有荷園存笥稿

長垣縣志煥元明吏部主事獻珂子幼穎敏十歲解屬文十五補博士弟子員十七舉於鄉順治丙戌成進士授太原知縣並任首葺城垣無何有姜逆之變所在陷沒煥元集眾歃血誓守賊合眾來攻竭力防禦身不解甲者七晝夜會大兵至賊寇於晉祠以功陞刑部主事未幾擢湖廣提學道按察使僉事至則正文體絕請託所拔率成名士甲午鄉試自元魁以下凡得售者九十三人一時傳為盛事請告歸年纔三十餘間居奉親栽花時竹間遊秦晉齊魯大梁吳

國朝畿輔詩傳 卷五

一

送別宮紫

越間所為詩古文辭極多與鄧州彭而述益都趙進美萊陽宋琬遵化周體觀承年申涵光陽武趙賓稱江北七才子著有荷園存笥稿數十卷藏於家

十年讀君書今年見君面坐此長松下芳草鬱幽蔭英論薄層巔曠懷明飛練憶余垂髫時君已南宮薦才藻誇凌雲共倚匡時彥中道竟陸沈高蹤託述撰芳華思令人山川日悠緬一尊得快游擊筑同燕甸孤桐發清音佳人成婉變所嗟歲序馳淒淒悲霜霰秋雨被遙岑遊子懷江縣駕言返初服海水日激濺丈夫感意氣軒冕誠足賤故人知我心不隨風雨變含情戀佳期終思



偕歡讌

歡讌不可期別離忽遠道北風蕙草微江雁歸胡早羈  
人感物候淒惻傷懷抱厭此車馬塵眷彼林中好秋雨  
浥平田江鄉足粳稻獨坐理清商嘯對海門島遐矚萬  
象中奇書肆幽討春雨草堂開落杯星石倒淮水送鯉  
魚詩來慰枯槁伊我胡滯淫索米徒草草夙昔同心人  
倏忽隔涼燠輕帆指潞河岸芙蓉老志士貴遠心思  
者多懊惱黃鵠有羽翼萬里遊浩浩慎此金石顏容輝  
當自保

送別曹持遠比部

國朝畿輔詩傳

卷五

二

同是長安客出入供司寇我歸八年前君歸八年後荒  
城稟歲嚴一尊感故舊本非逢世姿落落何辭詆夙昔  
窺家學時代綿華胄咳吐古人風藝苑擢神秀高才反  
見黜長揖謝朝右匹馬下長河賦雪梁園就春色變河  
橋高柳明岩岫新人若不知故人若不救擁志歸吳山  
僕夫催何驟臨別寄瑤華珍重此懷袖

魏雍伯招遊鹿泉諸勝

跨馬出西郊倦眼豁疎放遠景帶日斜清遊恣元暢秋  
氣下蒼崑空翠殆難狀同行得佳侶泉石激微尙行看  
巖岫舒坐愛流漉漾瞻眺韓侯祠英風颯甲仗剝蘚讀



殘碑寄興忽悲壯迴望羽人居丹楹絕壁上虛洞有雲  
封老樹爲之障急雨溜層巖攀烟遵複嶂初尋鷲與奇  
逕轉得平曠中有龍象藏丹碧鬱相望微步愜幽尋陰  
洞何年創嵌空入杳窅白日劃光亮造化鍾靈異神工  
非意匠纍纍號連珠透闢絕依傍冰雪冷然入披襟爲  
神王空亭延翠薺日暮欣跌宕生平邱壑心對此樹高  
貺願得休糧居乘風采溼沆

楊使君署中贈袁杜少

我坐使君屋讀君修竹篇怒螭盤空壁氣勢相蜿蜒透  
逸數十句變化如雲烟列宿羅胸中腹笥何便便我欲  
國朝畿輔詩傳卷五  
揚風雅對君感朱絃肅心窺元化微茫慎所宣建安與  
黃初徽音賴以還靡靡齊梁體噍殺不足傳漆水挺奇  
傑早歲恣騰騫驂駒騁逸步一日徧八埏行矣振北軍  
拔幟登其先

走筆別程伯建

前年別城之隈今年別江之澗黃鵠高騫野鷺翔蒼龍  
晝立瘦蛟舞沙洲烟草路茫茫櫻笠泥鞵九日雨歐長  
卿李雲田偕子同來送別船別船日暮芙蓉老滿酌清  
酌問秋昊相逢意氣感鬚眉二子不言子更悲昨日上  
書不見收低頭幕府終何爲聞君杖策向長安水落桑



乾木葉寒黃金誰薦中涓馬易水空憐壯士冠君不見  
郎官湖上李白遊至今魂魄尚堪留又不見蓬荆深沒  
楚王臺陰雨啾啾鬼夜哀登祝融望吳越我欲扶筇鼓  
柁上八萬之天台探千年之禹穴安能俛仰隨世網犧  
牛文身入廟遭羈紲

雨中同崔琳墟醉飲

黑雲垂垂壓清晝暑雨空林來何驟崔郎騎馬衝泥來  
共倚湘簾看簷溜須臾返照出其裏玳瑁千層落盃底  
元蟬咽咽露初零故鄉明月沈秋水幾年阻隔湘衡面  
動如參商不相見此時解綬賦歸來坐開桑落借親串  
國朝畿輔詩傳

卷五

四

回思廿載薊門道我輩紅顏各年少君家兄弟盛聲名  
我亦當時附文藻只今零落感晨星聚散人生胡能保  
揚雄著作等覆瓿屈原放逐由草藁古人行樂貴及時  
轉眼韶華驚醜老君不見青燐夜泣黃金臺昨日驥裏  
今蒿萊又不見黃河新起瓠子宮萬家城市走蛟龍眼  
中世事已知此更闌燭盡角聲起君今不醉胡爲爾

中秋無月柬王幼輿

去年我在燕山北有月無酒常偪側今年我向故鄉來  
有酒無月罷登臺露雲送雨晚細微颯颯天風吹我衣  
張燈促席開南樓樓外蛟龍攫月遊遙夕沉吟坐夜闌

關山笛裏憶長安，噫嗟怨離別滿眼。愴浮雲海烟幾時滅，幾時滅我心。悲人生去住各難料，來歲陰晴未可知。呼兒且進酒，覆我掌中卮。安得王郎拔劍斫地歌，開我萬古磊落抑鬱之襟期。

送韓石華北遊

崑崙東折走中流，中嵩拔地亘崑崙。千年再產韓荆州，文章八代繼前修。十載栽花東海陬，一日聲名動九邱。華胄遥遥盛箕裘，中有長公聲最優。身長七尺髯且修，五嶽方寸罕其儔。萬卷胸羅恣冥搜，元精耿耿開雙眸。一朝晤我河之洲，五月招提醉石榴。拔劍斫地勢更遒。

國朝畿輔詩傳

卷五

五

與酣落紙如珠球，杵臼論交意氣稠。卻憶當年淮水舟，君家大阮共登樓。羣盜如毛罹百憂，前有黃狐後鴝鷖。聞雞中夜誓同仇，白日西匿不可求。良朋一散二十秋，與君相對倍綢繆。高城落日酒無籌，平原遂作十日留。漫漶一刺向誰投，彈鋏歸來仗蒯緱。匣中風雨吼蒼虬，悲歌起舞響箜篌。聞君明日京洛遊，黃金高築碣石幽。左攜騶馱右驂驅，珊瑚連錢飾絡頭。伯樂一顧中涓收，臨行送子勸吟甌。胡以贈之雙吳鉤，鸞鵠光寒星漢侔。薊門八月風颼颼，赤霄萬里縱綏猶。孔翠豈同燕雀謀，咄嗟世路又何尤。我今投老事耒耜，綠疇南陌聽呼鳩。



他年遇子動鳴騶好訪青門問故侯

贈盧子

暑雨鏗鞳衝河甸客子襪襪遊將倦我友招尋邵侍御  
倉卒遂識盧生面盧生蚤歲蜚英聲鍵戶下帷破萬卷  
我父東國舊掄才摸索幾擬雄文薦清宵剪燭竟何人  
感士不遇空戀戀一朝進士有七人明珪美璧咸國珍  
中有邵子更絕倫自言與君情最親高論時時迴天地  
哀歌往往動鬼神論文未擬等覆瓿撫事只應歎積薪  
今年我向濟州來把臂深惜國士才纔言古道眉先動  
卽論往事心誠哀千年重睹元都觀百里猶傳單父臺  
國朝畿輔詩傳

卷五

六

二十年中堪回首悲歌幾醉任城酒文章遇合君能致  
富貴自分余何有杜甫池邊柳已青太白樓頭月如斗  
浩歌仰視浮雲白相對無辭杯在手盧生盧生眞堪友

晚登晴川閣

傑閣初登眺千帆入杳冥水吞三面白山截兩峯青地  
坼連吳楚潮迴辨日星憑闌閒指點一棹下烟汀

將赴湖南晚渡漢江

一葦江烟破迴遊指郡西汀花隨岸小漁火帶星低水  
氣雜霜露客心悲鼓輦坐看王會遠萬里下雕題

荆門舟夜

天高明野電夜靜倚官舟  
堠火荆門接霜星楚岸稠  
山  
河留霸氣詞賦待名流  
寥落千年事蕭蕭蘆葉秋

夏人叔從禹峯先生爲湖南之遊

之子湖南去扁舟意若何  
白雲衡嶽滿青草洞庭多  
幕府裁鏡曲遷人依棹歌  
只愁揚子宅蚤暮少經過

草檄眞能事從軍亦壯遊  
况逢漢陸賈同註晉陽秋  
雨幔臨湘浦風帆近岳樓  
賴君傳古蹟賦壓楚江頭

送姜鐵夫南歸

白首家無定青山爾又歸  
京華詞客賤秋雨故人稀  
鐘動催霜葉湖平載夕暉  
鑑湖南月好爲我選漁磯

國朝畿輔詩傳

卷五

七

申臬盟見訪

自枉高人駕悠然淡旅情  
狂真疎禮法老益厭詩名  
萬樹霜前色連砧苑外聲  
鄉心劇歲晚遲我碧山耕

訪趙錦帆於報國寺解官南歸悵然有懷

白首官仍謫黃河客竟還  
春明無故舊秋色冷鄉關  
葉落松房定風吹海月閒  
蘇門歸倘遂同釣碧溪灣

故城舟夜

野泊風帆定空舟夜氣遙  
暮烟沈古寺孤月湧新潮  
鷓鴣鳴何急鼉鼉夢不驕  
荒墩吹畫角東國正蕭條

送長益南還



江湖君又去京洛少知音故里三年約扁舟五月心危  
途淹老驥暮雨滯孤琴歸到金焦日秋來夢已深

晤張海旭

尙記南奔日艱危借一舟孤帆淮浦月百戰島門秋身  
世還青眼山河竟白頭草堂尊酒在萬里慰離憂

寄遜山子

別後俱多難歸來獨可憐興吟吳苑草淚盡郢門烟萬  
事還鄉井孤身歷歲年白頭新賦草零落竟誰傳

江上逢黃坤五太史

白髮承明舊侍臣天涯淪落晚堪親篋中歲月存詩史

國朝畿輔詩傳

卷五

八

世外江湖有釣緡往事傷心辭落日他鄉垂老避秦人  
開元朝士君仍在聽到宮詞淚滿巾

贈大司馬河使朱公梅麓

詞臣八座下明宮水土兼傳仗鉞功遂使黃龍歸故道  
不教白馬怨秋風艤舳歲月春流外羽獵山川輦路中  
啟沃願參還省閣車書萬里正朝東

赴東壑遙望五龍雪色

徑行初日千峯上俯瞰蒼烟一郡西朔塞天連三晉險  
晴空雪壓五龍低山腰拾級樵爭入樹杪盤雲鳥亂啼  
萬壑鄉園吾獨往嶺猿溪月待幽棲

贈彭禹峯先生

揚舲五月下蠻方，醉踏江樓草色長。  
公子椒蘭新七澤，將軍裘帶舊三湘。  
君從絳幄論前輩，我向青雲認父行。  
萬里長纓須蚤繫，漢家將相本南陽。

貴池舟中遇顏乃來太守赴荊州兵使

高城雲木隱汀洲，太守船回卜夜遊。  
畫舫移尊天上坐，青山歸夢雨中愁。  
嚴關晝壓孫權壘，古堞晴生蕭統樓。  
望裏八州防禦遠，早傳清嘯滿江頭。

贈李將軍戍楚

鐵衣十載臨戎日，尙憶圍城轉戰功。  
射虎未聞封李廣，圍朝畿輔傳

卷五

九

雕蟲猶復困揚雄，千羣代馬悲笳裏。  
獨戍江湖險塞中，氛祲扶桑憂不細。  
捷書蚤寄楚天鴻。

王幼輿以近詩見貽卽有禹州之遊作此奉送兼

致懷兵使沈繹堂

閒門盡日補烟蘿，竹裏逢君有嘯歌。  
一卷詩纔傳白雪，三春客又渡黃河。  
風歸禹甸山川麗，路入梁園詞賦多。  
好問故人東郡長，樓中八詠定如何。

晤李梅臣時以病持戒

卜鄰猶喜近鄉關，十載浮雲故國顏。  
放後幾人無白髮，歸來此地有青山。  
高城夜雨薜蘿隱，獨樹閒門烏雀還。



見說長齋能事佛維摩丈室許誰攀

送張爾成赴 召

出使十年今赴 召班行應睹漢儀新名高館閣推前  
輩國有安危屬大臣飛輓山河迴驛騎嚴裝衣履上星  
辰鳳凰臺側麒麟閣還讓螭頭第二人

己亥九日

搖落空亭菊自花東籬斗酒尙堪賒百年雙鬢秋方暮  
四海重陽客在家漠漠山城催落葉陰陰江雨送鳴笳  
干戈南北無消息悵望高天獨雁斜

盧溝

國朝畿輔詩傳 卷五

十

盧溝橋下水盧溝橋上月水月無斷流行人去不歇

楊白花

二月楊花青三月楊花白不見遠行人飛入遠行陌

示棐臣

春雨茅堂長綠苔閉門閒看碧桃開雲亭寂寞無人問  
只有侯芭日日來

漢陽中秋

秋山雨過露華寒讀罷莊周夢欲闌可惜故園今夜月  
年來都向異鄉看

送劉毅公遊襄陽

漫將詩句動江關  
春草王孫尙未還  
便欲躬耕何地是  
憑君好問鹿門山

春山獨客使人愁  
楊柳青青送客舟  
我已無家難作賦  
君行莫上仲宣樓

楚客曾聞續大招  
郢城南去水蕭蕭  
只今宋玉墳邊月  
猶照行人渡板橋

送王大愚南還

斷壘寒烟古孟津  
羨君此去有垂綸  
桃花野水三千尺  
流到宣房問故人

寄伯建

國朝畿輔詩傳

卷五

十一

江船無日不鳴笳  
辜負揚州幾樹花  
匹馬黃河歸路遠  
北風吹夢到長沙

過順德有懷滄溟先生

中原二子盛當時  
歷下文章晚更奇  
識得峨嵋天半意  
黃榆高處自題詩

領袖宗徐氣尙驕  
秋生郡閣雁蕭蕭  
文章未老山河在  
詞客英靈正可招

石申

申字仲生灤州人  
順治三年進士  
歷官戶部左  
侍郎贈吏部尙書  
祀鄉賢有寶笏堂遺集



李霽序仲生氣盛才鋒不可一世操筆爲文幽折塊塵都非尋常蹊徑詩劇鉅鏤剔矯岸不羣洵能自成一家言猶記初爲庶常時閣試之典未廢一日內院集試擬待漏院記諸人爭摹宋調獨仲生起語云天子無日不視朝宰相無日不入對此待漏院之所由設也余服其老成已而果

第一

池北偶談

世祖皇帝恪妃石氏灤州人

戶部侍郎申之女也申父維嶽明萬歷庚戌進士官某省副使會王府中官某鳩其王反誣其妃某弒逆撫按以下皆納其賄將具獄矣維嶽獨持不可力雪妃冤至是申生恪妃竟入宮掖人以爲救妃之報云

八月二十六日西山暫歸

去去欲無還幽憂可駐顏此生貪白業不死看青山善

友能相其浮雲且自閒風塵燕市在留與鬢毛斑

國朝畿輔詩傳

卷五

十一

送人

豈有七旬外猶然事遠征江湖兒女意鄉國友朋情衡雁題新字江鷗識舊盟臨歧贈老淚發棹水盈盈

秋日同芝麓諸公集黑窰廠分賦

車馬紛城闕尋秋此地偏路深鐘響出臺古燒痕圓老樹侵沙苑饑鷹獵歲田與君期盡醉休問戰爭年

宋翔

翔字子飛宛平人順治三年進士歷官按察司

僉事

魏憲百家詩鈔子飛先生督饜江淮稱廉吏公餘留心風雅不屑屑于近人之習縱筆所如意

桂林冬至

一線牽兒女愁多與夢長不知將臘至豈是爲君忙萬里吾家遠人情客路涼梅花方破白天送歲寒香

茅店

匹馬清秋路西山日已微數聲樵牧唱一色水雲飛影落孤村道寒侵旅客衣隔鄰彈鋏者夢與月空歸

江行雪

雨雪衡山路天涯萬里心孤舟虛冷棹殘夢壓寒衾天濶雲遙落江空水映深歸來歌笑處驢背快長吟

國朝畿輔詩傳

卷五

三

閨思

假寐臥香閨朦朧何曾睡思量玉尺寒裁衣託誰寄新月不可贈深深羅帷裏纖手弄雙鉤湘簟涼如水

胡兆龍

兆龍字予袞號宛委一號具茨宛平人順治三年進士歷官吏部侍郎卒贈尙書有息遊堂詩

集

十一月望

上巡畿北至天壽山觀明帝諸

陵遣官致祭仍

特命司空修葺殿宇恭



神京北百里崇山峙千重駮駮巨無垠嶽嶽凌蒼穹  
皇都實屏幃縹緲排雲峯天壽更峭崿鬱鬱勢何雄有  
明十五帝於茲建幽宮層巒互回合皎若青芙蓉南面  
豁平野洪流環西東中列萬古宅翼翼闢鴻濛朱門啟  
長道豐碣陳春容華表高刺天雲雷纏蛟龍斲石備法  
衛一一爭鬼工前岡森玉殿後原闕神封周垣肅丹堊  
金碧輝瞳矐宮監及陵戶灑掃時虔恭維帝初踐阼展  
謁禮必躬春秋肅霜露淒然思劍弓詞臣將明命孝享  
摯哀恫二百八十紀盛典何雍雍王氣一朝歇神器窺  
元兇大命集 昭代嗚呼天祿終陵殿晝寂寞傾圯翳  
國朝畿輔詩傳

卷五

古

秋蓬石馬沈蔓草古瓦啼寒蟲神路藝禾黍劓伐空喬  
松園果復誰薦採摘隨兒童但見棠梨花歲歲原上紅  
玉衣竟惆悵蕭颯來悲風我 皇巡畿輔法駕臨

寵從顧瞻諸陵墓惻惻動

宸衷潔祀飭宗伯葺

治庀司空仍益守陵役以絕樵蘇蹤庶令千載後永識  
明諸宗宏度超萬古隆軌激羣公野老亦感泣漣洏知  
何從緬惟明盛時四海皆來同宏圖今安在山色徒青  
葱興衰若倚伏慨焉悲填胸豈知易時代邱陵還見崇  
自非 聖王世誰能德義豐臣職在珥筆感此盛

事逢作歌揚芳烈用以昭無窮



題成青壇少傅浮邱山房圖

秋風柳色青門路相國辭朝車馬去綠郊祖帳傾都來  
輦下公卿餞疏傳何人畫手似當年余曾圖出灞橋烟  
兒童走看父老歎道傍嘖嘖稱公賢相國掉頭意不欲  
但與鋪張失知足吾家自有輞川圖浮邱之山邑城曲  
浮邱秀削青芙蓉城爲匹練割南峯并城迤西稍向北  
雙屏罨靄依長松入門坡陀卽山趾灌木修篁翠微裏  
逕轉時時彩石逢花繁恰恰啼鶯起客到花間徑欲迷  
忽有磴道凌丹梯山堂樹杪俯萬井棟牖每有烟霞棲  
堂後陰岑窺洞壑乳竇嵌空產仙藥深入藤蘿互蔽虧  
國朝畿輔詩傳

卷五

五

旁穿日月相迴薄因登絕頂翼飛軒蟠空已是浮邱巔  
去天尺五帝座逼下視一氣何蒼然大徑東拱青壇矗  
黎陽黑山皆隱伏西南長河來萬里銀漢奔流吞大陸  
百泉衛水清漣漪帆影出沒飛虹霓春花秋月堪高臥  
雨澗晴嵐亦總宜別有蜃樓連石室神仙好之中晏息  
架頭簞笈但藏書花下玉缸時釀秫更循山背臺館多  
碧溪宛宛紅橋過清照亭前千个竹歸雲閣外半池荷  
綠葵黃菊蒹松韭奇木珍禽無不有自言出山十八春  
但喜圖成常在手泰階已平玉燭調必世正是成康朝  
卽非黃髮歸亦得或恐赤松來相要我披此圖神欲往



臥病况復疎塵鞅間居苦在洛陽陌從公便作濠梁想  
只愁蠟屐向東山旋爲蒼生捉鼻還暫至翻增猿鶴怨  
讓余偃蹇附朝班

春盡不得雨

倚徙春還盡炎風又匝旬旱雲橫白日落照慘黃塵關  
隴灾仍急東南斂轉頻安危非一事能不愧垂紳

從獵聞寇警

滇池師未息陽谷海仍波節鉞人安在樓船將已多五  
雲開玉帳萬里洗銀河薄伐勞

何

國朝畿輔詩傳

卷五

六

午門宣捷音志喜

數載勤宵旰戈船未寢兵人頻占太白天亦厭櫓槍百  
戰熊羆氣千家鴻雁聲遙知大酺飲先釀石頭城

過內閣登遼后妝樓觀新建白塔

春水初融太液池芙蓉紫苑漾新澌林烟翠幌疑眉黛  
花露金溝學口脂異代青霄多寶涌歸魂白月散香遲  
恩深待放三千女不唱同心別院詞

梁清寬

清寬字敷五正定人順治三年進士歷官吏部

左侍郎

百家詩鈔田孝廉髯淵高言集極稱歎五爲甚  
趙巨擘先生詩以厚爲主氣厚則靜意厚則  
詞厚則典浮與  
纖者不得託焉

### 題夢園

鼓子城隅錦沙陌小築薜蘿有幽客白雲峯下碧溪頭  
寂寞楊公高談宅半山半市儘避喧一詩一酒一卷石  
松風拂簷石牀靜竹籬短垣追陶令綠蔭繞屋藕苗衣  
清吟長嘯世無競逸蹤願作鹿裘人支頤冷眼向簪紳  
閒把道書尋丹訣絕勝長安溷緇塵山中鎮日數棋局  
那知仕路已翻新惟此清風穆木闔今古醉倒殘花臥  
湘浦有時蕉葉代箋題湖光鳥語紛捐組歸來不用買  
國朝畿輔詩傳 卷五 七

山錢披襟烟月常作主吾將爲先生領冥鴻之孤高且  
願書左徒之離騷朝搴木蘭夕宿莽英雄咄咄笑蓬蒿  
倦來枕上日高睡悲歌慷慨震雲濤君不見功成已從  
赤松翔五湖早有大夫航世上浮名眞糝糠兼葭伊人  
天一方

### 贈于丈

金山孤插鬱籠葱瘦嘯高峯獨有公不須陶潛賦歸去  
一邱一壑伴烟樹富貴軒冕安足論志切湖海踏崑崙  
雲物蒼茫堪深隱著書時闔陸羽門羨君丹素常滿案  
含咀應劉霞色爛兼之學道陋世筮穆穆孝友相蟬聯



元將洵可號鳳毛一經競道韋公高草堂知已惟林山  
怡然自覺心事閒絳縣安識幾甲子今來但有冰霜顏  
俛仰人世易彫朽北固江濤在窗牖隱侯自是足千秋  
傲吏可把洪崖手慕君之德爲君歌雨壑風湍付綠篔  
何用勞勞萬金產桓典稽古澤正遠

春日過伯棠別墅

偶過西郊日海棠紅欲然里門仍故榜茅屋枕寒泉小  
飲花堪醉慵遊草借眠山中饒樂事歸路眺晴烟

野望

芳草垂楊岸茅茨十數家小橋環綠水遠岫映紅霞入  
國朝畿輔詩傳 卷五 六  
坐花迎笑開樽酒任除夕陽烟景碧漁艇出蒹葭

睡起

睡起渾無賴窮愁百事闌雲窺虛牖靜風入小牕寒拙  
宦餘三徑浮名悔一官早知農圃好長嘯向烟巒

雨中嘯雲樓卽事

小雨淙淙入曉涼樓前老柏正青蒼結籬儘足安羊仲  
閉戶何須問鄭莊書卷梧桐霑細潤窗紗茉莉送餘香  
平生最愛尋幽處瓦鉢松醪興欲狂

入棧

雲連古棧曉寒侵嵐氣高浮盡日陰山麓結茅聊下榻

野稊釀酒誓開襟千層峭壁迷樵徑百道飛泉冷客心  
莫笑王陽迂潤甚鄉思永夜不成吟

保寧書懷

驅馬王程歲漸移迢迢猶未卜歸期黃牛峽口尋遺老  
青草池邊覓舊碑雁杳無情應有恨客愁抱病轉多思  
鄉關欲到渾難寐步月瞻雲夜漏遲

成都故宮感懷

離離細草徧荒臺寂寞西風動客哀鴛瓦朱宮迷舊址  
玉鈿翠靨委蒼苔巡簷凍雨聽如咽極目愁雲掃不開  
把酒倚闌清漏永挑燈無意盡餘杯

國朝畿輔詩傳

卷五

咸陽懷古和賈司馬韻

荒城嵐氣接高秋淡月疎雲動客愁異代興衰同逐鹿  
千年勲業等浮鷗圖王猶自傳姜尙策國誰能繼馬周  
渭水秦關多勝蹟驅車幾度問前邱

李二公自京師見訪扇頭有玉立弟詩以春明門

內卽村居爲題依韻和贈

春明門內卽村居揚子雲亭好著書雨後藝花泉釀熟  
林中覓句世情疏青蓮久屬同心友綠野今來長者車  
敢謂陳蕃能下榻孤蹤攜手話樵漁

月夜感懷



雨後蟾光上碧梧深沈院落一輪孤隔年歲月疑今古  
往日親知半有無與至愛尋高士傳愁來頻檢白雲圖  
中宵萬感尋常集把酒還思碎唾壺

太行山

衰草淒淒百戰場英雄棋局等弓亡秋原漫上高峯望

極目寒烟數雁行

西郊水亭

清溪曲港小橋平繞岸荷花帶晚旂雉堞遙分秋照冷  
溪烟和月急砧聲

城河

國朝畿輔詩傳

卷五

三

芙蓉照水影鬢鬢十里橫橋帶晚嵐秋淨漁舟紅蓼岸  
鮮鱗紫芡小江南

李及秀

及秀字公愚玉田人順治三年進士歷官河南

巡按監察御史

玉田縣志及秀聰穎能文工詩善書事母以孝聞家貧用常不給躬率家人食蔬而日必以一齋奉母登進士主政計曹荆魯之間多洽續代巡梁豫上百餘疏人避驄馬御史焉

同張明府遊楸子峪

政有餘閒整屐裙高山憑弔夕陽曛爲因秋盡枝枝悴  
何處春來葉葉殷十載宦遊傷舊識百年交道惜離羣

紗籠自昔稱佳事慚向南軒覓故文

李鴻勳

鴻勳字勤王號長六磁州人順治三年進士官

山西陽城縣知縣

楊方冕磁人詩明府性豪邁入泮最晚明制年二十不列于庠服飾卽同市井例戴瓦隴巾子公恥鍵戶下帷寒暑無間余先舊第與君鄰每夜聞公讀書樓上始而讀繼而哭時或擲巾以足蹴之其刻苦如此年三十餘始青其衿歸里後陶情詩酒多蓄古玩字畫喜蒔花竹常藝名菊數百本花時邀賓流連雅集書法道勁跌宕不羈

過先賢閔子騫故里

數十間茅屋人傳閔子家秋風吹不斷滿地有蘆花

國朝畿輔詩傳

卷五

五

梁清遠

清遠字葵石正定人維樞子順治三年進士歷

官吏部侍郎有祓園集九卷

四庫全書提要祓園集九卷梁清遠撰是集清遠所自編凡詩四卷文四卷詞一卷其詩直抒性情頗能蟬蛻于習俗之外而人所應無盡無人所應有尙未能盡有也

夏日閒居

拙宦自寥落閉門車馬稀石窗迎旭日淡淡發清輝髟

髮不思櫛爐香漸滿衣背人讀道書心清無塵機人生

亦且暮胡爲苦奔波曹務雖多端暫輟聊自嬉瓶荷度

鮮飈思我山居時山居有幽致安得願無違



同蒼巖公白遊城南

清流貫雲木水際有人家  
頽徑侵芳草疎籬罨落花  
天晴霞散影野靜雁依沙  
景物看如此行吟日已斜

秋懷

渾渾斜日照金臺何處啼烏帶影來  
太液亂流衣帶繞  
西山晚翠畫屏開中原豺虎增郊壘  
四野歸鴻戀草萊  
極目關河無限思漫歌五噫有餘哀

送宋玉叔備兵秦州

鳳城風暖雪初晴遙望軺車使者行  
絳帳諸生遲問字  
戟門小隊待談兵擁旄曉度祁山影  
吹角宵連渭水聲

國朝畿輔詩傳

卷五

五

萬里金湯龍劍在豈徒詞賦擅西京

金肖孫

肖孫字瑞枝完縣人順治三年舉人官四川富

順縣知縣

畿輔通志肖孫御史毓嗣從子甲申毓嗣殉難  
賊將張洪執肖孫詰毓嗣子所在箠楚炮烙身  
無完膚終不言  
毓嗣諸子得免

完縣志肖孫康熙戊申除富順令廉平精練富  
順當凋殘之後百物荒廢肖孫至官招流民修  
縣志捐俸以充常平開井以興鹽利建義學以  
育人才築城垣創縣署多所興復遠人願請受  
廛邑大治遭疾卒於官櫬歸時  
民為舁送數百里作木主祀之

紀遊

撲面飛沙積流觀眼欲迷堤長惟牧犢夜盡未鳴雞僻  
店人家少隆冬曙色低逡巡驢背上緩轡過橋西

國朝畿輔詩傳

卷五

三



國朝畿輔詩傳卷五

終

世其非外即亦盡未



國朝畿輔詩傳卷六

長洲陶 樑梟薊輯 任邱邊浴禮袖石校

梁清標

清標字玉立號蕉林一號蒼巖正定人明進士

國朝厯官保和殿大學士祀鄉賢有蕉林詩

集十八卷

四庫全書提要蕉林詩集梁清標撰清標所著詩藁各以古近體爲分不列卷次其詩作於明季者多感慨諷刺之言及入本

朝以後則灑灑乎春容之音矣

畿輔通志清標逸禮部侍郎賑保陽諸州縣殫

心察覈人沾實惠有武林斥生誣首逆案清標

詆得其情保全無辜甚衆奉命移尙可

喜家屬兵衆洶湧民多驚悸思竄匿清標鎮靜

國朝畿輔詩傳 卷六

以安人心 得無變

魏裔介序玉立詩枕藉六經沈酣諸史應制記事陳大雅德音之辭咏物懷人備風人香草之義蓋燕許大手而非元輕白俗

郊寒島瘦之所得而企及者

申涵光序蕉林集鏗鏘頓挫不故爲愁苦老病之習體物遂情一唱三歎讀之者如披春風如

覲官闕如覲威鳳在霄不得以一家名而皆撥其所長棄其所短讀是集亦可以得其槩矣

汪懋麟序先生之詩本於學問出以和平雍容渾浩博通於諸大家而不得執一以名詩有之

穆如清風其風肆好先生之謂與

方象瑛序先生體國經野外時時賦詩以見志今讀其詩掌邦禮以前莊以肅者其頌之遺乎

歸田諸什氣靜而思深殆得于雅乎兵農禮樂之大譙勞登眺之章淵厚廣博者十五國風之

正聲乎卽以追美風人之志夫奚媿焉

紅豆樹館詩話蒼巖相國雍容閒雅宏獎風流  
一時如張敦復汪蛟門繆歌起方渭仁諸公皆  
游其門先生自公退食日抱芸編黃閣青燈互  
相酬唱前輩高風可想像于辰告詩謨之外詩  
麗而有則莊而不佻可稱臺閣中鉅手倚聲  
尤工所作棠村詞當與梅村香嚴並傳也

### 發雄州

晨出賓陽門水氣滿巷陌故吏擁道周頭鬚看盡白孤  
亭立豐碑上勒先子蹟城郭飽戰烽僅留一片石垂及  
五十年表章益烜赫停車數徘徊泫然感今昔父老攜  
杖觀相顧聲嘖嘖樽酒煩故人持觴勞歸客簷雷雨廉  
織春泥深徑尺昔遊詎忍忘鄉心苦已迫漠漠嶺上雲  
矯矯空中翻河梁草色青振袂風烟隔珍重謝耆舊久

### 國朝畿輔詩傳

### 卷六

二

要願無數前路笳鼓鳴回首贈魂魄

### 初春北上留別兄弟

春風何澹蕩寒日照郡樓舍人治我裝遊子去舊邱東  
門設祖帳親戚羅道周顧余麋鹿性林壑夙所求用世  
本無具竊祿良足羞胡爲煩徵書勸駕多朋儔一朝辭  
墳墓啼猿聲啾啾宦途方險巖置身安可謀津亭傾離  
樽清淚沾敝裘 帝闕鬱岌岌王程敢遲留執手珍重  
別前路云阻修回首語昆季爲我治田疇茲行報 聖  
主歸臥西山頭三徑勿荒蕪烟月長繇猶

### 秋日



暑退天日晶秋光淨若洗小堂晝垂簾竹樹蔭階仄怪  
石立縱橫藥欄發芳芷杜門無雜賓晴暉明窗几散書  
窓真菟悠然契深旨外物何足欣寵辱皆妄耳蕭森儼  
空山婆婆忘城市急雨須臾來簷花落如綺守官多愆  
尤鷄梁昔所恥安能作蝸牛升高不知止

挽船曲

寧爲官道塵勿爲官道人塵土踐踏有時歇人民力盡  
還戕身長安昨日兵符下舳艫千里如雲屯官司催夫  
牽纜去扶老攜兒啼滿路村村逃避鷄犬空長河日黑  
濤聲怒緯夫追捉動數千行旅裹足無人烟窮搜急比  
國朝畿輔詩傳

卷六

三

勢如火那知人夫不用用金錢健兒露又過虓虎鞭箠  
叱咤驚風雨得錢放去復重催縣官金盡誰爲主窮民  
袒臂身無糧挽船數日猶空腸霜颯烈日任吹炙皮穿  
骨折委道傍前船夫多死後船夫又續眼見骨肉離安  
能辭楚毒呼天不敢祈生還但願將身葬魚腹可憐河  
畔風淒淒中夜燐飛新鬼哭

上灘行

曉起酸風來石竇驚灘急峽江波溜白日陰靈山鬼吟  
飛流噴沫魚龍鬪崩崖摩雲勢欲吞蒼烟罨壁苔痕繡  
荒城昨夜催灘夫沿村比屋羣吏呼鶉衣百結亦人子



倉皇追捉如逃遁，冥濛天黑帆盡溼。縣令雨立衝泥途，  
令言城空居人少。屯官降卒衆相勦，歲收租稅令不行。  
田家半菽何曾飽，供繁役重支拄艱。簿書期會皆草草，  
西江貧瘠昔所嗟。况復豺虎恣攫拏，空巖哀狖啼夜月。  
窮鄉密箐盤虺蛇，舟行轉側類毛羽。峻嶒湧地根，槎牙  
我來鼓柁三嘆息，長年爭叫風颿色。民勞驛殫恤未能  
浮家泛宅境，轉偏白首江湖徒。爾爲坐老孤村計，亦得  
漁陽老將行。

漁陽重鎮臨邊隅，將軍燕領赤虬鬚。少小結髮事行陣，  
彎弓自請當單于。軍中行酒青油幕，馬上穿楊金僕姑。

國朝畿輔詩傳

卷六

四

養士家財能立散，摧鋒徧體無完膚。將軍膽略古無兩，  
逐北直取封侯賞。大小身經數百戰，九邊形勢如指掌。  
報主瀕死沙場中，論功欲繪凌烟上。豈知歲月空蹉跎，  
將軍已老雙鬢皤。內外一家方罷戰，毳帳滿地驅明駝。  
邊備不修閒士馬，歸來小獵南山阿。猿臂無力射猛虎，  
雄心臥看浮雲過。寶刀旣賣賓客散，柴門反閉張雀羅。  
幽州健兒夜吹角，夢魂猶繞白狼河。

王鐵槍

王鐵槍真男兒，人留名豹留皮。河上血戰志不移，梁運  
旣去疇能支。問破敵曰三日讒，毀計已行大功安。可必



鬪雞小兒事業成國恩未報遑偷生朝梁暮晉者誰子  
紛紛段凝之輩真如蟻嗟乎義士一死重泰山礪山朱  
三羣盜耳良禽栖木貴能擇將軍之死亦可惜

霸陵尉

北平守材絕倫生不利逢漢文射石沒羽如有神田間  
夜還醉尉嗔今者不得行遑知故將軍結髮七十戰封  
侯賞不至迷道豈非天恥對刀筆吏偃蹇徒失貴人意  
知與不知盡流涕惜哉大將軍奚論霸陵尉

登觀音巖

先人曾登觀音巖子今曉過停征帆懸厓俯縮臨洞壑  
國朝畿輔詩傳

卷六

五

凌空結構何巉巖千尺石幢垂碧乳萬條蘿薜纏青杉  
神力何年立鼇極削壁界破蒼天色盤磴斜通蓮炬紅  
法雲倒湧琳宮黑蜃窟陰森鬼斧開丹樓窈窕星辰逼  
慈悲妙相翠微中芙蓉作龕追琢窮龍抱珠光翻海月  
潮隨梵響來天風層巒對峙列几案烏啼猿嘯烟冥濛  
振衣仄徑攀援上江山歷歷客愁放長鐘暮鼓戀寒暄  
石轉灘迴迷背向我來萬里幽幾探豈謂茲巖吐奇創  
昔聞過庭語夢寐四十年山靈尙無恙陟險疑有緣嶺  
南倣詭此地偏輕身挾羽如飛仙黃塵萬斛銷欲盡花  
雨晴嵐滿畫船



許生洲思硯齋歌

我聞中丞古遺愛守越聲名齊海岱抽毫獨喜傲眉山  
已知冥契千秋在精神感召夢寐通郡齋夢見東坡公  
一硯手授豈荒忽遲明硯出山巖中硯背有像夢無二  
中丞拂拭嗟神異玉德金聲詎偶然龍尾鳳珠爭名字  
東坡好硯各有銘况復肖像留儀型歸裝唯有鬱林石  
兩袖攜得山川靈中原劫火生荆棘六丁收去無消息  
中丞騎箕篋衍空孝子慈孫淚沾臆齋名思硯歲月徂  
章侯陳生摹爲圖詞人題贊徧海內詎與瓦石同榮枯  
古來神物有得失離合他年安可必君不見豐城之劍  
國朝畿輔詩傳

卷六

六

分雌雄延津波沸雙龍出

永寧程總戎母康太夫人殉寇難爲賦投崖行

龍蛇起陸天地荒中原擾擾皆戰場洛陽烽火徧州邑  
白日晦蝕無三光嵩縣劇賊一何酷程母被執義不辱  
慷慨罵賊身投崖經旬不改顏如玉有兒瑰偉稱人英  
求母不得寧徒生興安舊帥壯君貌授兵討賊前驅行  
賊渠授首無堅壘灑血祭墓雪讐恥舊帥雅負善相人  
君貴他年當鎮此猗與孝烈鍾一門家風伊維今猶存  
持節遂爲大都護始知相術非夸言噫嘻世亂弛綱紐  
仗節死義嗟希有歐公作史千秋垂斷臂惟傳王氏婦



於今再見康夫人凜凜豈等笄黛倫甲申之際四維絕  
男兒甘爲全軀臣

梅心驛

寂寥巖下宿宵柝起嚴更驛火明還滅繩牀臥復驚  
寒山鬼泣燭暗虎風生排馬凌晨發烟江是皖城

登小孤山謁天妃祠用壁間李中丞韻

杳靄江天濶孤峰障沭流烟鬢神女祀鐵柱海門秋  
飛閣鳴鼙鼓仙巖送客舟山川吳楚會登陟散羈愁

遊湖口鐘山次壁間韻

怪石臨無地凌空疊亂峰江聲晴到閣巖響夜聞鐘  
禪

國朝畿輔詩傳

卷六

七

定看馴鶴雲根起蟄龍遙青五老出憑檻盪塵胸

列炬探幽處晨爲洞壑留捫蘿尋斷碣倚杖瞰飛流  
漫

滅眉山字蒼茫碧漢遊莫言彭蠡濶絕壁小滄洲

峽江雨中

亂堞臨厓出濤痕半未消檣燈搖霧影埃火散山椒  
峽東江如線篷驚雨似潮酒澆人欲倦天入可憐宵

晚晴至吉水

湍急村墟暝城孤眸睨昏雨帆朝過峽霽嶺翠當門  
霧斂江山小天空虎豹尊古來文獻邑凋謝復誰論

過滇陽



滇陽山水邑旄藹海雲橫鳴礮嚴江戍飛花繞客旌雙  
巖泉石峽萬壘尉佗城安得窮幽處翩翩躡屩輕  
對擁千峰斷中流一水長僧居圍竹柵虎氣暗桃榔虛  
閣崩雲立飛泉挂幔涼古今沉戰伐何地問蕭梁

將抵南海

紆折程難計聞鉦識水郵繚垣螺蚌甲代祭木棉裴潮  
逐崩厓落帆隨曉月流忽驚開嶺桂疑是故鄉秋

雨中束裝

天入輕帆夢心生故國春蠻花繁客舫海雨送歸人影  
較征鴻早愁增燧火新瘴鄉身一葉頭白飽風塵

國朝畿輔詩傳

卷六

八

雨中過嶺

飛來曾挂角天半有僧棲蒼鼠穿厓過春禽送客啼嶺  
蟠諸粵盡雲壓萬峰低冒雨忘危磴心懸貢水西

九日

歲歲登高處憑闌此復同客情秋色裏世事亂雲中壇  
影連殘照汀沙起斷鴻天南頰極目燧火至今紅

送陳子將門人請急歸同安

萬里衝炎霧扁舟憇老親海天無靜土烽火見歸人轉  
徙田廬廢承歡鬢髮新長鯨猶未息子舍莫逡巡

送李天生檢討歸養



揮毫初奏賦愛日早辭榮一疏茅容願千秋李密情商  
風高郭杜戰火息咸京謁者縉曾棄關門吏卒驚

送方渭仁門人請急歸里

索米金閨客平生好著書治裝唯藥裹歸興寄樵漁詩  
以窮愁富交因拙宦疎子行須自愛風雨有荒廬  
抗手方干別蹉跎滯一官鄉心經雨重秋影入牕寒病  
苦參苓累身謀去住難嚴陵灘尙在高卧少風湍

送梁園出守寶慶

幾載含香吏新看五馬雄民生征戰後郡治草萊中班  
竹臨湘水蘭臺拂楚風他時裁錦字可有北來鴻

國朝畿輔詩傳

卷六

九

新樂驛亭次壁間韻

萬里驅車道路偏伏義臺畔破秋烟漢廷論蜀煩司馬  
池草生春憶惠連古驛鄉心叢菊外并州客夢嶺梅邊  
風塵又逐征鴻去紅樹依依似昔年

金陵道中

東南形勝自江淮百戰河山稗草埋結綺歌殘銷玉樹  
景陽鐘歇葬金釵天留蒼莽騷人句地入欷歔弔古懷  
士女如雲聞喚鶴春郊閒卻踏青鞵

與昭性家兄話別

刻燭聯牀話路歧吾兄新廢蓼莪詩難將金錯還官庫



漫負紅顏忤畫師子舍淚懸雲黯處山樓目送雁歸時  
殘春去住俱多感別恨無端若柳絲

輓門人沈康臣

珥筆才名高秘省祥刑雨露徧圓扉爭傳沈衆工詞賦  
何意休文減帶圍月冷空牀遺稿在櫬歸水驛塞鴻飛  
一官未達今黃土白首風前淚溼衣

渡黃河

滾滾河流古岸長水神祠廟枕斜陽來從天上分疆域  
曲向中原接混茫風閃驛燈寒過雁路沿堤柳夜多霜  
吹臺欲問繁華地鶴首飛帆入大梁

國朝畿輔詩傳卷六

拜張許六王祠

十

名城喋血共安危道左飛塵贖古祠六矢當年知號令  
千秋爲厲見旌旗江淮力障孤軍日睥睨風生苦戰時  
每讀昌黎書傳後傷心南八是男兒

舟過潯陽

潯陽瑟瑟石苔斑今古柴桑歲月閒蓮社盃輿陶令酒  
烟扉展齒謝公山舟停湓浦衫應溼虎嘯溪橋客獨還  
此地江聲分九派何堪矯首憶鄉關

采石磯

千年牛渚草蕭蕭供奉風流自不遙被酒尙留明月影



然犀誰照暮春潮，菰蘆烟火連三楚。金粉江山過六朝，  
細雨鳴榔嗟往事。謫仙樓在客難招。

旌陽萬壽宮

靜明宮殿鬱岩堯，鐵柱難從一炬銷。波立蛟龍孤劍盡，  
月臨鐘鼓百靈朝。雲霄絳節餘兵火，今古青山鎖寂寥。  
沖舉當年仙侶去，不堪重問舊江潮。

過東湖

東湖烟水畫冥冥，湖上孤標孺子亭。百戰僅存高蹈地，  
千秋獨著少微星。灌園翁去空書幣，下榻風流識典型。  
寂寞經過人不見，章門雨雪一燈青。

國朝畿輔詩傳

卷六

七

廬陵小泊

章貢天開白鷺洲，山城水市半沈浮。孤懸塔影搖沙舸，  
晴捲江聲入郡樓。舊德門荒祠草暗，戰場人老講堂秋。  
憑闌白首餘雙淚，螺子蒼烟縮客愁。

儲潭讌集

潭上荒臺埃火紅，牙旗獵獵捲簾櫳。香分橘柚清樽裏，  
雨漲笙歌晚嶼中。廢壁沉雲開戰壘，橫江層鐵鎖蛟宮。  
霜青油幕稱雄鎮，刁斗聲傳萬壑風。

度大庾嶺

嶺岿萬仞劃天開，曲似離腸日九迴。雲沒危峯盤磴出，

翠含春色瘴江來嶺門對擁銜山寺鳥徑斜穿吐驛梅  
刊鑿辛勤煩相國千年猶說五丁才

歸舟漫興

牙檣北逐雁鴻羣人去紅亭倚夕曛五岳芒屨生壯色  
四山花氣漲春雲蠻方瘴癘和愁散客路風烟度嶺分  
十載江湖銷戰伐戈船此日又移軍

過商邱

鬱鬱新槐原上村野農趨市趁朝暎採桑紅女蠶眠箔  
催賦青苗吏在門巡遠尙聞遺戰壘鄒枚誰復弔吟魂  
兔園依舊蘼蕪綠寂寞梁王好客樽

國朝畿輔詩傳

卷六

十一

大梁懷古

前驅鼓角戍樓晴萬井烟花古汴城執轡市中游俠地  
銜杯臺畔濁河聲玉津園廢蛙鳴晚艮嶽雲埋草色平  
零落憲王新樂府夜深誰灸紫鸞笙

送冀公冶大司空歸廣平

洛水尙書振袂行重開三徑向秋清漫將薄譴論榮辱  
祇惜仙班去老成廿載緇塵歧路話一樽涼雨故人情  
每憐拙宦稱同調愁聽陽關第二聲

贈張眉仲令安定

儒吏分符動玉珂隴西戰後事如何邊烽乍寢人牽犢



塞雪初消客渡河  
瓊瀉蒲桃春釀熟  
獵回沙磧暮雲多  
政平訟少垂簾日  
羌笛頻聞折柳歌

送陳子厚歸海寧曾齋尊公岱清同門遺集數十

卷相示

每嗟亡友廿年餘  
鳳羽來過抱父書  
明月暗投逢白眼  
陽春高唱逼黃初  
談深更下人琴淚  
歲晚言歸風雨廬  
今日臨邛誰好客  
吾衰負媿薦相如

送陳子文由大梁歸海寧

京洛懷歸有敝貂  
臨歧飛雪暗河橋  
鄉愁夢入吳天近  
客路春將汴酒消  
薄祿遠巡原驥足  
故人期許自雲霄  
國朝畿輔詩傳

卷六

三

君家伯仲非長賤  
句就池塘慰寂寥

送姜定菴少京兆之官奉天

萬里寒帷捧檄行  
葱蔥王氣是陪京  
雲飛越水親闈在  
雪霽盧龍春草生  
眉宇紫芝渾似舊  
鄉關銅馬喜初平  
莫因遠宦添霜鬢  
十載封章繫

聖情

送龔憲副還秦中

客從北地擁檐褸  
把袂欣逢舊酒壚  
指畫河山人慷慨  
身當戰伐事艱虞  
籌邊誰上金城畧  
聚米能成玉塞圖  
珍重春宵燕市話  
中原鎖鑰在西隅

贈王純嘏比部擢江右方伯



畫省才名重漢廷持籌更喜試新劄大藩坐擁章門節  
邊計今歸執法星見說飛鴻仍道路能無折柳話丁寧  
瘡痍佇待君爲起數載西江戰血腥

春日雪中宣捷口占

三冬歷盡霏春雪六載初聞取岳州自昔兵戎闕稼穡  
也應天意厭戈矛沅湘險隘逡巡失湖海烽烟次第收  
父老不須憂粟貴早聽布穀事西疇

寄高念東少司寇兼爲勸駕

八載垂竿野水隈天邊一紙辟書來秋曹堂饌仍堪飽  
舊觀桃花恰再開向子未完婚嫁累鄴侯終是列仙才

國朝畿輔詩傳

卷六

古

燕山春色屠蘇酒遲爾聯牀夜覆杯

送丁雁水職方分臬虔南

貢章雄鎮倚江臯吹角樟陰漢使勞百戰尙餘清獻蹟  
千秋重贈呂虔刀鬱孤草長連平楚灘路帆懸起怒濤  
知爾才名高粉署登樓嘯詠醉春醪

雨中漫興

雨灑都亭樹色齊泥塗車騎尙棲棲飛鳶道蹙連三輔  
插羽徵兵下五谿午夢風行桃篋薄草堂雲護畫簾低  
可憐閭左疲輸輓猶說南天戰馬嘶

秋日



秋高碣石野雲黃  
虎旅重聞辦蜀裝  
萬里懸車危棧月  
五更吹角麗譙霜  
飛河隴鳴哀雁日  
落巴渝冷戰場  
決策西南多廟算  
早令王翦起頻陽

送高念東少司寇歸淄川

司寇心常在五湖  
乞身今荷主恩殊  
好從丹竈尋真訣  
甘以時名讓壯夫  
白鷺洲邊機事少  
青蘿洞口水雲孤  
歸裝知爾無多累  
剩得文家舊雪圖

寒沙漠漠度關河  
惆悵離樽可奈何  
歧路交情今夕醉  
雪中春色故山多  
浮雲偶出憑舒卷  
塞雁孤飛避網羅  
聚散如萍君自愛  
夜行須耐霸陵訶

國朝畿輔詩傳

卷六

五

送張又南大廷尉省覲歸秦中

爲賦將離促去騶  
寧親西向古涼州  
平刑舊說張廷尉  
家世還推漢列侯  
幕下論文秦月小  
軍中握槊玉關秋  
風清甲帳喧饒吹  
絕塞萊衣亦壯遊

送方渭仁門人典試蜀中

銜命詞臣下鳳樓  
西風古驛暑纔收  
重將文教銷兵氣  
倘獲驪珠是壯遊  
叱馭褒中雲棧曉  
韓燈劍外錦城秋  
莫令揚馬傷淪落  
自昔才人出益州

送魏環溪大司寇 予告歸蔚州

老臣累疏去從容  
藥裏書籤次第封  
十載丹誠留殿

陸一天風雪度居庸晴牕散帙田間課筇杖看雲塞上  
峰我欲移家依故里薜蘿深處訪高蹤

過蘆溝

回首清秋入帝城湯湯已作斷腸聲西風又動桑乾水  
吹老征人髮幾莖

春郊卽事

畫樓高處故侯家誰種青門五色瓜春滿園林人不見  
東風吹老海棠花

長安早秋

薊門烟樹影層層客病鄉愁望裏增忽覺西山來爽氣  
國朝畿輔詩傳

卷六

六

秋風先到漢諸陵

秋日閒居

竹塢無塵短榻幽蕭蕭涼雨下城頭閉門休沐朝來嬾  
花落蟬鳴一院秋

雨中同家兄昭性猶子承篤夜話

樹樹香飄葉葉風聯牀共話思無窮家鄉秋老芙蓉墮  
人在燕山夜雨中

秋夜

秋雨秋風滿上林小堂秉燭影沈沈長安萬戶寒衣早  
多少人家在暮砧



寒食

禁火人家水上村  
金羈珠彈走王孫  
曉鶯苦喚思歸夢  
開盡山桃未出門

若水弟招飲南郊觀荷

透迤秋草引坡陀  
流水聲中子夜歌  
折得碧筒人半醉  
菰菱深處暮涼多

重遊南雄郡署

水廊已廢綠蕉稀  
積雨苔青上客衣  
前度劉郎能識否  
一般燕子入簾飛

贛江歸舟

國朝畿輔詩傳

卷六

七

一船簫鼓帶潮回  
昨日京華有雁來  
不道客心方歷亂  
娟人江路野棠開

雨村

數聲鳩婦雨濛濛  
竹塢山桃寂寞紅  
何事飛花偏惱客  
春光半減亂流中

望潛山

皖山天柱鬱嵒巖  
江左風流大小喬  
霸氣銷沈人不見  
碧烟如黛鎖春潮

江浦道中

柳塘春水弄新晴  
花草金陵促去程  
雙袖染來青嶂色

六朝送盡暮江聲

三月三十日宿州旅中

鶯花三月太匆匆客裏相看驛燭紅  
一夕東風留不得萬條飛絮暮烟中

中山道中

綠滿中山雨氣新曉涼暫浣客衣塵  
往來最愛垂楊路又聽黃鸝喚遠人

輿中口占

城下驅車傍柳行日高沙路亂啼鶯  
不知朝市春多少宣武門邊新水生

國朝畿輔詩傳

卷六

六

村居午夢

野霽千官車馬屯三間茅屋柳當門  
紙牕夢醒紅偏好在桃花水上村

送羅宏載赴湖南幕

湘江苦竹晝淒淒有客擔簦落日低  
王粲禰衡今寂寞黃陵廟口鷓鴣啼

爲高澹人學士題畫

薜蘿古塢倚雲根結侶漁樵道自尊  
一夕秋風蘋末起疎烟細雨滿江村

題汪蛟門所藏冒姬鴛鴦圖



飛花片片趁香泥水漲銀塘綺翼齊何事蘭房圖匹鳥  
鹿門自昔愛雙棲

石門驛雨中

千巖漠漠野雲低二月山村布穀啼  
璫帳春寒人睡醒  
一天風雨  
孝陵西

孤村

幾椽茅屋槿籬遮宛轉危橋仄徑斜  
村僻不知途近遠  
一溪春水放桃花

送陳子厚南歸卽次留別原韻

孤吟越客去還留知子才如萬斛舟  
長欽攜來人漸老  
國朝畿輔詩傳  
卷六  
九

不堪重上仲宣樓

蕉林書屋

半船坐雨冷蕭蕭仿佛江天弄晚潮  
人在西牕清似水  
最堪聽處是芭蕉

澹烟晴日滿簾櫳春色依依上小紅  
客爲看花頻載酒  
海棠開否問東風

成克鞏

克鞏字子固號青壇大名人明進士  
國朝歷  
官秘書院大學士加少傅兼太子太傅祀鄉賢  
有清慎堂集四十四卷

四庫全書提要倫史五十卷成克鞏撰是編以五倫分五門各有子目君臣為數四十五父子為數二十二夫婦為數十一兄弟為數十六朋友為數三十三考克鞏休致在康熙三年此書成於康熙十六年蓋晚歲田居借編

摩以送老採撫燕雜固非所計也  
畿輔通志克鞏清端恪慎贊襄密勿動中機宜  
聖祖登

極一切典禮文章多出其手以疾乞  
歸優游林下三十餘年卒年八十四

大名縣志克鞏大學士基命第三子崇禎十六年進士本朝定鼎授國史院檢討十年遷吏部右侍郎轉左侍郎晉尙書旋拜秘書院大學士時天下初定世祖章皇帝銳於有為

以克鞏名臣子少參機務練達政體當任學士時數在前者凡十餘人未幾領戶兵二部兼理刑部事會計舉典都御史員缺

鞏以內宏文院大學士攝理克鞏感激無不言首上修省一疏繼忝舊憲臣徇比匪人請

國朝畿輔詩傳 卷六 三

撤回滿漢巡按之不稱職者又請增設御史定曹銓置簿之條以核功過嚴督撫考察之例以

勵法廉立劇邑久任之規以課成效嚴誣告反坐之例以杜刁風皆切中時要悉見施行十五

年改保和殿大學士又明年晉出片紙作國書密詢溫旨慰留居常或中夜出片紙作國書密詢

時事克鞏亦入片紙占對雖家人子弟不聞所言其縝密如此十八年仁皇帝御極三

月主會試克鞏屢持文衡前後所得士如湯斌張永祺沈荃李來泰馬世俊唐德亮張玉書米

漢斐許三禮嚴我斯皆一時名士多所建豎為世名臣而郭士望梁化鳳亦以忠節武功著十

月以母疾請假弗許用原銜兼國史院大學士康熙元年仍改秘書院大學士積勞致病連疏乞休遂不復出

紅豆樹館詩話太傅承文穆公之後綸扉偉望朝野所推舊第有素園在城南隅為文穆公別業太傅歸老後重加葺治其中雲石堂八風亭攬秀巢雲樓柳塘靜舫諸勝皆極水木清華之致嘗繪素園圖同時題詠甚多歷數世園漸



荒圯故址幾不可識圖亦無存而故老流傳不啻與綠野平泉並留遺韻則太傅之清德遠矣

### 浮山小洞詩

浮山小洞俯高樹巖端常有流雲駐初葉繁花送夏春  
紫萸黃菊催寒曙昔日清平汗漫遊飛觥坐月客淹留  
引滿那辭銀鑿落當歌肯愛錦纏頭十五年前衛上別  
黎陽河畔垂楊月旅夢幽尋洞口雲滹沱迢迢不可越

### 北園

別業歸來卜蔦然松菊存百年誰氏墅前日謝公墩背  
郭堂成草依流竹繞門登樓還四望幾處舊時村

### 修素園

### 國朝畿輔詩傳

### 卷六

主

第後園林依水灣城隈雉堞帶烟鬢幽谿鶴步苔痕靜  
深樹雲留鳥語閒書錦重霑新雨露 天章分映  
舊湖山花晨月夕優游處手澤書香俯仰間

### 杜立德

立德字純一寶坻人明進士 國朝歷官保和

殿大學士諡文端祀鄉賢有太傅詩選一卷

畿輔通志立德選給事中疏請舉 經筵定朝  
期嚴加派肅禁地彈劾不避權貴累遷刑部尚  
書每讞重辟反覆為求生路得則退有喜色不  
得則日中不出署暮歸或竟忘食一日入奏退  
世祖顧左右曰爾等識此人乎此新授  
刑部尚書杜立德也不要一錢亦不忘殺一人  
聖祖嘗言閣臣如杜立德真不愧古大  
臣後以疾陳請 御製五律詩一章及怡

清洛社圖章

以榮其歸

寶抵縣志立德入相殫心獻納具有體要立朝

特命列坐

殿內漢大學士入

賜宴

殿坐自立

德始也初寶珉

以隸通州故分派

躬百有二

十甚為民累以立德力陳得減乞休歸里欲

然若未有權位者遇故舊有加禮人益賢之

王熙杜文端公墓志公慈和謙慎恂恂寡言及

當事决大疑則毅然不可奪居諫垣因事陳奏

裨益尤多歷掌三部練允當其任

事援据掌故兼集衆長充當其任

劉正宗序杜子詩時而誼重嚶鳴則停雲諸什

不足喻其篤摯也時而憂深民事則絲穀諸語

抒懷抱則楊柳梧桐之句不足肖其光霽慕其

冲夷也華而不靡廉而不刻跌宕而不佻激玉

潤珠明規圓矩折杜子之詩其杜子之人乎

紅豆樹館詩語韓文懿公葵癸丑會卷已遺本

房勒帛總裁杜文端謂無元文搜遺卷獲之拍

案激賞領已批抹咸為惋惜文端執筆就直處

改千里來龍四字遂定首選寶珉李櫟園太守

光庭詩云吾邑少耆宿大老推文端史傳未曾

見軼事間里言公為前進士家乘無諱調仰荷

龍飛之三年己未鴻博科玉貢兼珠長洲韓

迄癸丑兩次典春官丑歲尤鼎盛兼選長洲韓

韓卷初未薦幾抱荆璞歎公嫌少傑作鐵網搜

紅珊瑚果得文懿文擊節爭傳觀無奈當頭棒一

痕難洗瀟公曰此易耳執筆擧微掀改千里來

龍四字如綫穿遂以冠多士會狀開其先

終為大作家於師無愧顏云云蓋紀實也

國朝畿輔詩傳

卷六

圭

送客遊天池寺

天池在何許千峰入雲霧岷峨見積雪海口中夜曙  
風下碧落鐵瓦失堅固羽人昔託蹟璇圖告朝著象鼓  
頌紫宸丹樓耀石路君去陟崇標懷古振詞賦長嘯



揖匡君星河近指顧安得凌虛翼相攜策高步

送高念祖還樵李

暑際同君酌彌深兩世情澤留花縣雨尊甫寓公使君向令予邑有惠

政名藻謝家英客夢江帆近遊懷燕樹清神駒千里壯

試看錦雲程

有所思

故人經歲別悵望久無音塢隱江村小烟迷樹色深疎  
風吹綺幕新月上瑤琴靜裏相思極何時愜素襟

秋日答友人

閒中序幾更風過曉涼生霞捲秋山定天高雁語清吳

國朝畿輔詩傳

卷六

三

歛逢醪友玉塵押詩兵俗冗今初洗從容理舊盟

都門秋興步工部韻

錄二首

紅雲疊岫擁蒼林巍濶 神京旺氣森山勢橫包燕趙

迴邊隅遙控海天陰北辰魁輔三垣象王會梯航萬國

心衣馬翩翩盈紫陌笙歌明月雜砧砧

高秋俯瞰衆河山遠勝金湯百二間壓地岡陵歸要領

擎天鎖鑰仗雄關壯猷人競封侯骨鐵馬豪開壯士顏

自古勲名都會早聲華翹首望 朝班

高爾儼

爾儼字岱輿靜海人明進士 國朝歷官宏文

院大學士諡文端有古處堂集四卷

四庫全書提要古處堂集四卷高爾巖撰是集大抵應酬之作亦尚沿明季之餘習王崇簡序公沈涵經史波瀾諸子百家而性情流衍其中觸境而形皆其不得不言者世有識者或知子爲知言

雨後遊浣園觀奕晚棹而歸

驟雨過秋林河漢爲傾倒雨歇碧天空微雲澹縹緲興  
高不畏溼緩步沙洲道遙望綠成陰物象皆可了深林  
一徑微輕風亂啼鳥轉曲不見人但聞新蟬繞稍前樹  
作屏堂上二三老棋聲落清寂蕭散人語杳開樽後院  
宜薄潤晴偏好鬱葱帶雨痕殘陽明樹杪交枝覆堂陰

國朝畿輔詩傳

卷六

三

落川皎

10331

國朝畿輔詩傳卷六

終



